



C40
4514

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

C40-4514



大方廣佛華嚴經疏鈔卷五十

于闐國二歲沙門實叉難陀



如來出現品第三十七之一

清涼山大華嚴寺沙門澄觀撰述

疏初來意者前品明稱果之因此品辨如因之體雖平等不壞一相先因後果義次第故亦爲答前不思議品出現念故答第二會所行問故會釋如前鈔答第一會問者以不思議法品中出現卽第二會所行故。

疏二釋名者如來是有法之人卽二身十身之通

丁翁上座請大藏及有
家書置之武州紫雲山
我欲焚燒院落府中未
為燃子者不敢許出院內
當山三世金牛機謹記



B 6435

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

稱出現是依人之法果用化用之總名。如來雖見上文對出現故重辨十身皆有出現且寄二身以明然來卽出現爲分人法曉喻分明故重辨之。若依法身如來者卽諸法如義如理常現名爲出現故文云普現一切而無所現又云體性平等不增減等。若依報身乘如實道來成正覺故曰如來本性功德一時頓顯名爲出現故文云如來成正覺時於一切義無所疑惑普見一切衆生成正覺等。若依化身則乘薩婆若乘來化衆生故曰如來則應機太用一時出現文云以本願力現佛身令見

如來大神變又云隨其所能隨其勢力於菩提樹下以種種身成正覺等今以新佛舊成曾無二體新成舊佛法報似分無不應時故卽真而應應隨性起故卽應而真三佛圓融十身無礙故辨應現卽顯真成。鈔若依法身下三別釋然法身若約報上論法應云真如出纏是法身出現今以出纏爲報直就體上故云如理常現餘二可知新佛舊成者以報就法如出模之像像本舊成故無二體新成舊佛者以法就報如金成像金像似分以有未成像全故今成像竟似分二矣前對是非異此

對是非一非一卽非異故言似分竟無二體無不應時下。第二真應相對以辨融通法報皆真體上常用故卽真成應用不離體故卽應而真三佛圓融下第三結融三十謂以三佛收於十佛不出三身三身旣融十身卽三自然無礙故辨應成下結成正義。

疏是以晉名性起性字雖是義加未奕通理以應雖從緣不違性故無不從此法界流故以淨奪染性卽起故若離於緣性叵說故下加性起菩薩表所說故妄雖卽性不順性故今以起義多含直云

出現從性從因從真從感皆出現故若唯辨應身出現非唯失前一義亦未足顯深何能融前差別之果若以來爲現義則如來卽出現持業釋也若分人法三皆如來之出現揀餘出故 鈔是以晉名下第一會品名二經品名卽爲二別先會晉經初二句總標以將晉經用成前義故有是以之言雖是義加者梵本無故以應雖從緣下釋性起義順應現義於中總有六義證成性起今初立理卽不相違門然出現義亦名緣起亦名性起若取相說覽緣出現故名緣起謂由衆生業感如來大悲

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

而出現故八相成道從法性生故名性起今以從緣無性緣起卽名性起又淨緣起常順於性亦名性起故云應雖從緣不違性故無不從下第二引梁論證成卽相成門明性成於緣故此性起自有二義一從緣無性而爲起性二法性隨緣故名性起前段卽初義今段卽後義亦應云無不還證此法身故此乃緣起能成性起卽是前義但前取無違今取相成是故此爲相成門也以淨奪染者第三卽明相奪門亦是通妨謂有問言性起唯淨緣起通染云何緣起卽是性起故爲此通謂緣起有

一一染一一淨淨謂如來大悲菩薩萬行等染謂衆生惑業等若以染奪淨則屬衆生故唯緣起今以淨奪染唯屬諸佛故名性起若離於緣者卽第四相卽門亦是通妨以謂有問言緣起約事性起約理如何相卽故爲此通從緣無性方顯性起又由見緣推知性起若離於緣復論何性離緣有性是斷空故下加性起者卽第五段引當經證卽以人表法門妄雖卽真下第六以妄隱真門亦是解妨妨云若緣卽性妄本自空當體卽性何以不得染奪淨耶故爲此通淨緣順性染緣違故瓔珞云

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

始起一想住於緣順第一義諦爲善。違背爲惡。今以起義多含直云出現下第一會通今經則性起局性智現卽起。起含緣性故曰多含言從性者性起卽法身從因者緣起緣起卽報身從真從感卽是化身而從真約佛通於緣性謂依法身而起於化名曰從真從感約生卽是緣起由上諸義故云多含。

疏第三宗趣平等出現爲宗融差別果爲趣。

爾時世尊從眉間白毫相中放大光明名如來出現無量百千億那由他阿僧祇光明以爲眷屬其光普照十方盡虛空法界一切世界右繞十匝顯現如來無量自在覺悟無數諸菩薩衆震動一切十方世界除滅一切諸惡道苦。喚蔽一切諸魔宮殿顯示一切諸佛如來坐菩提座成等正覺及以一切道場衆會作是事已而來右繞菩薩衆會。

疏四正釋文文爲七分一加分二本分三請分四說分五顯名受持分六表瑞證成分七偈頌總攝分今初有二先毫光加請王後口光加說王前中三初光次加後益光中有十分三二光出處眉間者表證道離有無一邊故表無住道離真應二

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

邊故白毫者表所出現性無垢故能詮出現諸教本故一放大下辨光明體如所說故三無量下八段皆是光業初眷屬光卽是因業總攝諸法皆此生故四其光下舒業五顯現下敬業六覺悟下覺業七除滅下止業八喚蔽下降伏業九顯示下示現業十作是下卷業

入如來性起妙德菩薩頂

疏二入如來下正明加相所以加此菩薩者如名所顯故性有一義一種性義因所起故二法性義若真若應皆此生故亦有釋云此之妙德卽是文相妙智之極方能顯故

時此道場一切大眾身心踊躍生大歡喜作如是念甚奇希有今者如來放大光明必當演說甚深大法疏第三時此道場下加益中一先大眾同欣知法將被故

爾時如來性起妙德菩薩於蓮華座上偏袒右肩右膝合掌一心向佛而說頌言

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

疏二爾時下妙德領旨知令求說王故於中一先長行身心致敬跪者跪也。正覺功德大智出普達境界到彼岸等於三世諸如來是故我今恭敬禮。

已升無相境界岸而現妙相莊嚴身放於離垢千光明破魔軍衆咸令盡。

十方所有諸世界悉能震動無有餘未曾恐怖一衆生善逝威神力如是。

虛空法界性平等已能如是而安住一切含生無數量咸令滅惡除衆垢。

苦行勤勞無數劫成就最上菩提道於諸境界智無礙與一切佛同其性。

疏後偈頌讚請十偈分一前五讚後五請前中初總讚申敬餘四別讚放光中有讚因讚果讚用等文並可知。

導師放此大光明震動十方諸世界已現無量神通力而復還來入我身決定法中能善學無量菩薩皆來集令我發起問法心是故我今請法王。今此衆會皆清淨善能度脫諸世間智慧無邊無染

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

著如是賢勝咸來集。利益世間尊導師。智慧精進皆無量。今以光明照大衆。令我問於無上法。

誰於大仙深境界。而能真實具開演。誰是如來法長子。世間尊導願顯示。

疏後五中初一自敘得益。即是領旨次偈領衆意。請次偈歎衆堪聞。次偈敍佛令請後偈正求說。王已領佛意。故不請佛。

爾時如來卽於口中放大光明。名無礙無畏。百千億阿僧祇光明。以爲眷屬。普照十方盡虛空等法界。一

切世界右繞十匝。顯現如來種種自在開悟無量諸菩薩衆。震動一切十方世界。除滅一切諸惡道苦。蒙蔽一切諸魔宮殿。顯示一切諸佛如來坐菩提座成等正覺。及以一切道場衆會。作是事已。而來右繞菩薩衆會。入普賢菩薩摩訶薩口。其光入已。普賢菩薩身及師子座過於本時。及諸菩薩身座百倍。唯除如來師子之座。

疏第二口光加說王者。示所請故文中三初光次加後益。今初亦十一出處。口放者表教道傳通故。二光名令得無礙辨。不畏大衆及深理故。餘如前。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

辨一入普下加中入口者。教以口傳故。如佛說故。
加普賢者是普賢行之果故所證法界。由理顯故。
三真光入下明益中。唯除如來。據師資故。

爾時如來性起妙德菩薩問普賢菩薩摩訶薩言。佛子。佛所示現廣大神變令諸菩薩皆生歡喜不可思議世莫能知。是何瑞相。普賢菩薩摩訶薩言。佛子。我於往昔見諸如來應正等覺。不現如是廣大神變。卽說如來出現法門。如我惟忖今現此相當說其法說。是語時一切大地悉皆震動。出生無量問法光明。

疏第二爾時下本分中三初徵事而問次引例以答。答卽是本後說是語下表瑞證成顯說希奇。纔聞其名已有微故。大地動者大法將顯。大惑將傾。故出問法光者冥加智慧助發請故。

時性起妙德菩薩問普賢菩薩言。佛子。菩薩摩訶薩應云何知諸佛如來應正等覺出現之法願爲我說。佛子。此諸無量百千億那由他菩薩衆會皆久修淨業念慧成就到於究竟大莊嚴岸具一切佛威儀之行。正念諸佛未曾忘失。大悲觀察一切衆生。決定了知諸大菩薩神通境界已得諸佛神力所加能受一切如來妙法。具如是等無量功德皆已來集。佛子汝

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

已曾於無量百千億那由他佛所承事供養成就菩薩最上妙行。於三昧門皆得自在入一切佛秘密之處知諸佛法斷衆疑惑爲諸如來神力所加知衆生根隨其所樂爲說真實解脫之法隨順佛智演說佛法到於彼岸有如是等無量功德善哉佛子願說如來應正等覺出現之法身相言音心意境界所行之行成道場轉法輪乃至示現入般涅槃見聞親近所生善根如是等事願皆爲說。

疏第三時性起下請分中有長行與偈前中四一總舉法請一佛子此諸下歡衆堪聞三佛子汝已

下歡說王具德四善哉下標章別請前二可知三中別歡十事一供多佛必曾聞故二成妙行曾已修故三定自在有所依故四親證入故五知教道故六除他疑故七上方加故八審根器故九能隨說故十順智到彼岸得意深故有如是下總結旣有說德堪宜說故第四標章別請中初句讚善躡前三段後列十事以顯無盡一如來出現之法此是總相總集多緣成出現法法含持軌餘九是別初三節二業秘密四境卽智之所緣亦分齊境五依境修行通因通果六成菩提道七成轉法輪八

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

應必示涅槃。九若存若亡。見聞皆益。備斯九事。一化始終。有云初一所依之法。餘九能依之德。亦有斯理。如是下結請。

時如來性起妙德。菩薩欲重明此義。向普賢菩薩而說。頌曰。

善哉無礙大智慧。善覺無邊平等境。願說無量佛所行。佛子聞已皆欣慶。

菩薩云何隨順入諸佛如來出興世。云何身語心境界及所行處。願皆說。

云何諸佛成正覺。云何如來轉法輪。云何善逝般涅槃。

大衆聞已心歡喜。

若有見佛大法王。親近增長諸善根。願說彼諸功德藏。衆生見已何所獲。

若有得聞如來名。若現在世。若涅槃於彼福藏。生深信有何等利。願宣說。

疏第二爾時下偈請。十偈分三。初一讚德標請。頌

前第三段。次四舉法別請。頌前第四段。

此諸菩薩皆合掌。瞻仰如來仁及我大功德海之境

界淨衆生者。願爲說。

願以因緣及譬喻。演說妙法相應義。衆生聞已發大

心。疑盡智淨如虛空。
如徧一切國土中諸佛所現莊嚴身。願以妙音及因
喻。示佛菩提亦如彼。
十方千萬諸佛土億那由他無量劫。如今所集菩薩
衆於彼一切悉難見。此諸菩薩咸恭敬於微妙義生
渴仰。

願以淨心具開演如來出現廣大法。

疏三有五偈歎德勸請通頌後三段於中初偈總
讚請次二偈勸說之方以法深難領故請說因喻
次一偈半歎衆堪聞末後半偈結請所說淨心顯

無說過具演文義周圓。

爾時普賢菩薩摩訶薩告如來性起妙德等諸菩薩
大眾言佛子此處不可思議。

疏第四說分大分爲二初別答十問後佛子如來
以一切譬下總以結酬今初十段答前十問各有
長行偈頌一一具十今初答出現之法長行中二
初標告歎深。

所謂如來應正等覺以無量法而得出出現。

疏二所謂下隨義別顯於中二初法說深廣酬前
因緣二佛子譬如下喻明深廣雙酬因喻後佛子

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

至知如來出現下總結成益結上十喻初中分三
謂標釋結今初總標多因成出現果。

何以故非以一緣非以一事如來出現而得成就。以
十無量百千阿僧祇事而得成就。

疏二何以下釋於中二先徵以總釋後何等爲下。
徵數別明今初先反釋緣約能成之緣事卽所
成因體後以十下順釋向言無量乃是總相今明
有十箇無量以顯無盡理實則有百千阿僧祇數
無量此十無量皆徧十喻言百千者古人云以十
無量入中十喻成百以後結中十句一一結前百

門爲千其中更有別義方成無量今以下列十中
門門皆云無量則不俟相入是知百千之言但是
數之總稱耳

何等爲十所謂過去無量攝受一切衆生菩提心所
成故過去無量清淨殊勝志樂所成故過去無量救
護一切衆生大慈大悲所成故過去無量相續行願
所成故過去無量修諸福智心無厭足所成故過去
無量供養諸教化衆生所成故過去無量智慧方便
清淨道所成故過去無量清淨功德藏所成故過去
無量莊嚴道智所成故過去無量通達法義所成故

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

疏二徵數別明中。一始發大心誓期出現故此心
何相。二明上求勝志。三明下化慈悲四行以續願。
此行謂何。五明不出福智六別顯福嚴七別明智。
嚴八淨前功德九嚴前智慧所謂方便道。教道證
道無住道正道助道一道二道等皆莊嚴故十窮
究法源真實智故。

佛子如是無量阿僧祇法門圓滿成於如來。

疏三佛子如是下結中既皆過去積因多法圓滿
令二利果一時出現故出現言通真通應。

佛子譬如三千大千世界非以一緣非以一事而得
成就以無量緣無量事方乃得成。

疏第二喻明深廣中十喻各三謂喻合結喻酬譬
喻合酬因緣故文云非以一緣一事而得出現又
前法說多約往因此中合文多約現緣十中一大
千興造喻此喻爲總總喻衆緣以成出現故云以
無量緣等下說雲雨皆此所霆初喻中四一總辨
多緣二別顯緣相三顯彼因起四性相結成今初
先反後順緣卽因緣如衆生業及風雨等事卽事
相謂如所持水及宮殿等。

所謂興布大雲降霆大雨四種風輪相續爲依其四

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

者何。一名能持。能持大水故。二名能消。能消大水故。三名建立。建立一切諸處所故。四名莊嚴。莊嚴分布咸善巧故。

疏二。所謂下別顯中。先雲雨上。霆後風輪下持。二能持者。若無此輪。雨無停處。二水若不減。癡起天宮。三水雖已減。假此成立。謂減一節水。起一重天。如嚴冬急流。重重冰結。四雖起總處。無別莊嚴。故須第四。

如是皆由衆生共業。及諸菩薩善根所起。令於其中一切衆生各隨所宜而得受用。

疏三。如是皆由下顯彼因起。謂上雲等畧由二因。一。衆生外增上業。言共業者。謂多有情。應生此界。共業同變。於中有四句。謂共中共等。鈔一。衆生者。揀異內異熟業。謂多有情者。卽唯識論。釋初能變中處之一字。論云。所言處者。謂異熟識。由共相種成熟力。故變似色等器世間相。卽外大種。及所造色。雖諸有情所變。各別而相相似。處所無異。如衆燈明。各徧似一。釋曰。此釋共變之義。相似名共。論又云。誰異熟識。變爲此相。有義。一切所以者。何如契經說。一切有情業增上力。共所起故。有義不

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

撰述

華嚴經卷五十一

卅

許乃至云。經依少分說一切言諸業同者皆共變故。釋曰此據通局卽今疏文疏依此義云應生此界。故下經云各隨所宜而得受用若不應生豈安樂界所有衆生變爲此界之穢土耶於中有四者卽唯識第二引瑜伽論說共不共中各有二種共中二者一。共中共如山河等非唯一趣獨能用故二共中不共如己田宅及鬼所見爲水火等卽於彼境非互用也不共中二者一不共中不共如眼等根唯自識依用之緣境非他依故二不共中共如自浮根塵他亦受用故根卽不耳。

疏二菩薩善根此有一意一約同居謂地前菩薩二約能化謂隨諸衆生應以何國起菩薩根等便修彼因以取彼國故有衆生類卽菩薩佛國令於其中下顯受用果謂先成器界後起衆生依之而住如俱舍婆沙等辨鈔一約同居者地前菩薩未生受用同居變化亦以善業共變此土二約能化者卽淨名意能化菩薩非自業成以大悲故取土攝生及衆生之類皆淨名經並如世界成就品引謂先成器界者俱舍十二云壞從獄不生至外器都盡成劫從風起至地獄初生論釋云謂成劫

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

中初一劫起器世間後十九劫起有情漸住壞中
後劫壞於器界前十九劫有情漸捨二十中劫初
劫唯滅後劫唯增然此二時等中十八成壞時量
法爾先成必在後壞

疏各隨所宜者謂水族衆生得水受用等又人羅
刹宮殿無礙菩薩衆生淨穢同居

佛子如是等無量因緣乃成三千大千世界法性如
是無有生者無有作者無有知者無有成者然彼世
界而得成就

疏第四佛子如是下性相結成中先結前生後後

法性如是下正結此句爲總此法性言通於性相
無有生下別顯性空亦遮其妄計謂非冥性微塵
等生非自在梵王等作無神我能知上三顯能作
空無有成者顯所作空雖能所俱空不礙相有故
云而得成就如是無礙爲法性如是

如來出現亦復如是非以一緣非以一事而得成就
以無量因緣無量事相乃得成就所謂曾於過去佛
所聽聞受持大法雲雨因此能起如來四種大智風
輪何等爲四一者念持不忘陀羅尼大智風輪能持
一切如來大法雲雨故二者出生止觀大智風輪能

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

消竭一切煩惱故三者善巧迴向大智風輪能成就
一切善根故四者出生離垢差別莊嚴大智風輪令
過去所化一切衆生善根清淨成就如來無漏善根
力故如來如是成等正覺法性如是無生無作而得
成就佛子是爲如來應正等覺出現第一相菩薩摩
訶薩應如是知。

疏次合中畧不合第三顯彼所因以次下二喻自
別合故合四輪中前三是因後一二利果滿因圓
果滿佛出現故一品之內多以依喻正者非唯義
類相似實則外由內變故令外器全似於內是以

上云菩薩善根所起衆生共業所生等華藏品中
已畧開顯 鈔一品之中下總顯喻意

復次佛子譬如三千大千世界將欲成時大雲降雨
名曰洪霖一切方處所不能受所不能持唯除大千
雲雨大法雨名成就如來出現一切二乘心志狹劣
所不能受所不能持唯除諸大菩薩心相續力佛子
是爲如來應正等覺出現第二相菩薩摩訶薩應如
是知。

疏第二洪霖大千喻此之雲雨卽前喻中興雲降

雨正輸出現法門廣大難知。周十方故言心相續力者。若約信受。但是圓機。堅種相續能受深旨。若約具受則八地已上得無盡陀羅尼。方能受持。乃至十地方受如來雲雨說法。是以文言除大菩薩由初義故。但揀二乘。鈔廣大難知者下。結文疏以十句各結一喻。文皆闇用。可以意得。

復次佛子。譬如衆生以業力故。大雲降雨來無所從去。所至如來應正等覺亦復如是。以諸菩薩善根力故。興大法雲雨。大法雨亦無所從來。無所至去。佛子是爲如來應正等覺。出現第三相。菩薩摩訶薩應如是知。

疏第三雲雨無從喻。菩薩善根如生共業。感彼出現法雲法雨。機感而現。非先有一方所。從彼而來機謝而去。亦非歸至舊所。故體無生滅。鈔體無生滅下結文結第三也。

復次佛子。譬如大雲降霆大雨。大千世界一切衆生無能知數。若欲算計。徒令發狂。唯大千世界王摩醯首羅。以過去所修善根力故。乃至一滴無不明了。佛子如來應正等覺亦復如是。興大法雲雨。大法雨一切衆生聲聞獨覺所不能知。若欲思量心必狂亂。唯

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

除一切世間王菩薩摩訶薩以過去所修覺慧力故乃至一文一句入衆生心無不明了佛子是爲如來應正等覺出現第四相菩薩摩訶薩應如是知疏第四大雨難知喻。喻深非心境故古云教廣行大因深果遠故非預二乘亦不乖理但是大機卽世間王無能所行卽能知之。

復次佛子譬如大雲降雨之時有大雲雨名爲能減能滅火灾有大雲雨名爲能起能起大水有大雲雨名爲能止能止大水有大雲雨名爲能成能成一切摩尼諸寶有大雲雨名爲分別分別三千大千世界

佛子如來出現亦復如是興大法雲雨大法雨有大法雨名爲能減能滅一切衆生煩惱有大法雨名爲能起能起一切衆生善根有大法雨名爲能止能止一切衆生見惑有大法雨名爲能成能成一切智慧法寶有大法雨名爲分別一切衆生心樂佛子是爲如來應正等覺出現第五相菩薩摩訶薩應如是知疏第五大雨成敗喻。况佛滅惑成德喻中初一卽壞界之時三卽以水止水合中初二滅惑成福次二滅障成智卽止觀雙運後一權智照機又無二同二乘無三同外道無四增無明無五非種智此

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

卽分上總中法雨令差。

復次佛子。譬如大雲雨一味水隨其所雨無量差別。如來出現亦復如是雨於大悲一味法水隨宜說法無量差別佛子是爲如來應正等覺出現第六相菩薩摩訶薩應如是知。

疏第六一雨隨別喻。喻佛一味隨器隨器卽合前差別。

復次佛子。譬如三千大千世界。初始成時先成色界諸天宮殿次成欲界諸天宮殿次成於人及餘衆生諸所住處佛子如來出現亦復如是先起菩薩諸行

智慧次起緣覺諸行智慧次起聲聞善根諸行智慧次起其餘衆生有爲善根諸行智慧佛子譬如大雲雨一味水隨諸衆生善根異故所起宮殿種種不同如來大悲一味法雨隨衆生器而有差別佛子是爲如來應正等覺出現第七相菩薩摩訶薩應如是知。疏第七勝處先成喻。喻佛勝緣先成由業力法異由機殊不乖第六一味。

復次佛子。譬如世界初欲成時有大水生徧滿三千大千世界生大蓮華名如來出現功德寶莊嚴徧覆

9 10 11 12 13 14 15 16 17 18 19 20

水上光照十方一切世界時摩醯首羅淨居天等見是華已卽決定知於此劫中有爾所佛出興于世。佛子爾時其中有風輪起名善淨光明能成色界諸天宮殿有風輪起名淨光莊嚴能成欲界諸天宮殿有風輪起名堅密無能壞能成大小諸輪圍山及金剛山有風輪起名勝高能成須彌山王有風輪起名不動能成十大山王何等爲十所謂佐陀羅山仙人山伏魔山大伏魔山持雙山尼民陀羅山目真隣陀山摩訶目真隣陀山香山雪山有風輪起名爲安住能成大地有風輪起名爲莊嚴能成地天宮殿龍宮殿根不同故風輪不同風輪差別故世界差別。

疏第八事別由因喻喻佛成辦大事德亦是德殊由智喻喻中分三初蓮華表佛總中畧無名出現者表佛現故而言大者準五卷天悲經第三云有千葉故光照十方者金色光也言爾所佛者有千枝華表千佛故故劫名賢賢多故餘多同此二

19 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷五十一

佛子爾時下風輪起處者卽有力遙持廣前建立
風輪三佛子大雲下結因有屬鈔準五卷大悲
者經云阿難何故名爲賢劫阿難此三千大千世
界劫欲成時盡爲一水淨居天子以天眼觀見此
世界唯一大水見有千枝諸妙蓮華一一蓮華各
有千葉甚可愛樂彼淨居天子因見此華心生歡
喜踊躍無量而皆讚言奇哉希有奇哉希有如此
劫中當有千佛出興於世以是因緣遂名此劫號
之爲賢我滅度後當有九百九十六佛
佛子如來出現亦復如是具足一切善根功德放於

無上大智光明名不斷如來種不思議智普照十方
一切世界與諸菩薩一切如來灌頂之記當成正覺
出興於世佛子如來出現復有無上大智光明名清
淨離垢能成如來無漏無盡智復有無上大智光明
名普照能成如來普入法界不思議智復有無上大
智光明名持佛種性能成如來不傾動力復有無上
大智光明名迥出無能壞能成如來無畏無壞智復
有無上大智光明名一切神通能成如來諸不共法
一切智智復有無上大智光明名出生變化能成如
來令見聞親近所生善根不失壞智復有無上大智

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

光明名普隨順能成如來無盡福德智慧之身爲一切衆生而作饒益復有無上天智光明名不可究竟能成如來甚深妙智隨所開悟令三寶種永不斷絕復有無上天智光明名種種莊嚴能成如來相好嚴身令一切衆生皆生歡喜復有無上天智光明名不可壞能成如來法界虛空界等殊勝壽命無有窮盡疏二合中亦三先合蓮華表佛喻於中一切善根功德合上天水徧滿放於下合生蓮華謂不斷種性如華表佛故普照十方合上光照十方與諸菩薩下合知佛當出第二佛子下合風輪起處喻此

十智光次第合前所成唯果德能成通因果又能成卽實之權所成唯差別之德故下結云同一體等鈔次第合前者一清淨離垢光合善淨光明風輪此約能成若約所成義類亦同此一能成如來無漏無盡智合成色界色界離於欲過故如無漏四禪不壞如無盡也二普照光合淨莊嚴風輪三持佛種性合堅密無能壞四迥出無能壞合勝高輪五一一切神通合不動輪六出生變化合安住輪七普隨順合莊嚴輪八不可究竟合無盡藏九種種莊嚴合普光明藏十不可壞合堅固根其所

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

成德可以意取所成唯果德唯釋於法。如無漏無盡智不傾動力等皆果德也能成通因果者如持佛種性一切神通皆通因果。

佛子如來大悲一味之水無有分別以諸衆生欲樂不同根性各別而起種種大智風輪令諸菩薩成就如來出現之法。佛子一切如來同一體性大智輪中出生種種智慧光明。佛子汝等應知如來於一解脫味出生無量不可思議種種功德衆生念言此是如來神力所造佛子此非如來神力所造佛子乃至一菩薩不於佛所曾種善根能得如來少分智慧無有是處但以諸佛威德方故令諸衆生具佛功德而佛如來無有分別無成無壞無有作者亦無作法佛子是爲如來應正等覺出現第八相菩薩摩訶薩應如是知。

疏第三佛子如來下合結因有屬於中二一結因卽能成之智合上一味之水風輪不同此輪由一節水減一重輪生如澄水近今推能成由一味大悲一佛子一切下結果卽所成之大智從一實之智隨權而生合上風輪差別故世界差別三佛子汝等下結緣卽由衆生異合上以衆生善根不同。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

兼釋外疑。於中又三初牒前正理。一解脫味。卽能成之水。水具一義。悲及解脫。二文影畧。種種功德。通能所。二智。一衆生念言。舉外疑情。然感應之道。畧有三義。一互相成。二互相奪。三緣成性空。今衆生以緣奪因。純推佛力。失因緣義。鈔以緣奪因者。此中化生。以衆生自力爲因。佛力爲緣。餘可思準。

疏三。佛子此非下。如來爲釋。於中初以因奪緣。一向言非次。但以下爲說正義。初句因緣相成。後而佛下。有一義。一成上。因緣雖隨衆生心。無分別。二成第三義。了性空故。緣成故無成。無成故無壞。所成既空。何有能成作者。及作法耶。

復次佛子。如依虛空起四風輪。能持水輪。何等爲四一名安住。二名常住。三名究竟。四名堅固。此四風輪能持水輪。水輪能持大地。令不散壞。是故說地輪依水輪。水輪依風輪。風輪依虛空。虛空無所依。雖無所依。能令三千大千世界而得安住。

疏第九。四輪相依喻。况佛體用。依持德。亦廣建立。風之別義。喻中一光明能持之風。有四者。一時持水。名安住。二多時不動。名常住。三與劫齊量。四

19 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖嚴師錄卷五

三

體性堅密。是以俱舍云。假使有一大諾健那。以金剛輪奮威懸擊。金剛有碎。風輪無損。其量廣無數。厚十六洛。又彼但有一與此不同。一此四下。四輪相依。準俱舍論。次上水輪。厚八洛。又洛又億也。次上更有金輪。厚三億二萬由旬。然其世界。或說三輪成謂風水金。或說五輪。謂下加虛空。上加大地。今欲稱法。合成四輪。則地中含金。金亦地故。鈔大諾健那者。此云露形也。其量廣無數。厚十六洛。又是俱舍頌上二句云。安立器世界。風輪最居下。佛子。如來出現。亦復如是。依無礙慧光明。起佛四種。

大智風輪能持一切衆生善根。何等爲四。所謂普攝衆生。皆令歡喜。大智風輪建立正法。令諸衆生。皆生愛樂。大智風輪守護一切衆生善根。大智風輪具一切方便通達無漏界。大智風輪是爲四佛子。諸佛世尊大慈救護一切衆生。大悲度脫一切衆生。大慈大悲。普偏饒益。然大慈大悲。依大方便善巧。大方便善巧。依如來出現。如來出現。依無礙慧光明。無礙慧光明。無有所依佛子。是爲如來應正等覺。出現第九相。菩薩摩訶薩應如是知。

疏二。合中先合能持四風。有配四攝義。則少似。既

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

合以如來出現則成太局。今謂一未信入者。以四攝普攝。示以正理。二已信受者。建立教法。三已入法者。令其成行。四已成行者。令其得果。一佛子下。合四輪相依。一慈悲合地能厚載故。二方便合水曲隨器故。出現合風力能持故。無礙合空。如空無礙故。故淨名云。其無礙慧無若干故。文意雖但取展轉相依。不妨有似其事。若準偈中。慈悲之前。有一切佛法。以况樹林。則五重相依。鈔故淨名云者。卽菩薩行品經前已頻引。今更畧示。因說香飯爲佛事竟。便明諸佛功德平等。云阿難。汝見諸佛

國土地有若干而虛空無若干也。汝見諸佛色身有若干。其無礙慧無若干也。

復次佛子。譬如三千大千世界。旣成就已饒益無量種種衆生。所謂水族衆生。得水饒益。陸地衆生。得地饒益。宮殿衆生。得宮殿饒益。虛空衆生。得虛空饒益。如來出現。亦復如是。種種饒益無量衆生。所謂見佛生歡喜者。得歡喜益。住淨戒者。得淨戒益。住諸禪定及無量者。得聖出世大神通益。住法門光明者。得因果不壞益。住無所有光明者。得一切法不壞益。是故說言。如來出現。饒益一切無量衆生。佛子。是爲如來

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

應正等覺出現第十相。菩薩摩訶薩應如是知。

疏第十大千饒益喻。况佛利世德別顯總中一切衆生各隨所宜而得受用。合中次第合前四益見佛生喜。如魚得潤故。戒如平地萬善由生故。定如宮室得安息故。慧如虛空不可壞故。於中二句初不壞事後不壞理。

佛子。菩薩摩訶薩知如來出現。則知無量。知成就無量行。故則知廣大。知周徧十方故。則知無來去。知離生住滅故。則知無行無所行。知離心意識故。則知無身。知如虛空故。則知平等。知一切衆生皆無我故。則知無盡。知徧一切刹無有盡故。則知無退。知盡後際無斷絕故。則知無壞。知如來智無有對故。則知無二。知平等觀察爲無爲故。則知一切衆生皆得饒益。本願迴向自在滿足故。

疏第三總結成益中。有十一句。各別結上十門。以九十二句結第九門。故有十一。一多因出現故。二廣故。難受三無生故。無從四非心識故。必發狂五如空故。惑見雙亡六平等無我故。一味七由無盡故。諸乘徧化八後際無斷故。佛種不斷九無對即無礙慧十爲無爲平等。卽攝三輪歸無礙慧十

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷五

一本爲衆生故。令利益滿足。若將一一通前十門。
未爲得意。鈔若將一一下結彈古釋。

爾時普賢菩薩摩訶薩欲重明此義。而說頌言。
十力大雄最無上。譬如虛空無等。境界廣大不可
量。功德第一超世間。

疏第一偈頌三十七頌分二。初十四頌歎深許說
次二十一頌。頌上千喻。後一頌結說無盡。不頌上
文。今初分一前十一頌歎深難量。後三頌誠聽許
說。今初亦一初偈總歎頌前標告不思議言。後十
別歎卽次第頌前總結十一句。亦第九偈頌九十

二句結旣結喻。今此亦卽通頌前喻。喻則性相雙
明。此中多就性說。古稱性起彌復有由。

十力功德無邊量。心意思量所不及。人中師子一法
門衆生億劫莫能知。

疏一無邊量卽無量義。

十方國土碎爲塵。或有算計知其數。如來一毛功德
量。千萬億劫無能說。

疏二毛巨量卽廣大義。

如人持尺量虛空。復有隨行計其數。虛空邊際不可
得。如來境界亦如是。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴經卷五

疏三空際曰得卽無生義然唯此第三偈似頌第五如空第六偈似頌第三無生滅然取義不同故皆按次

或有能於利那頃悉知三世衆生心設經衆生數等劫不能知佛一念性

疏四不能知者離心識故

譬如法界徧一切不可見取爲一切十力境界亦復然徧於一切非一切

疏五徧於一切非一切者卽如空義

真如離妄恒寂靜無生無滅普周徧諸佛境界亦復

然體性平等不增減

疏六體性平等卽平等無我義

譬如實際而非際普在三世亦非普導師境界亦如是徧於三世皆無礙

疏七前徧諸刹此徧三世文綺互耳

法性無作無變易猶如虛空本清淨諸佛性淨亦如是本性非性離有無

疏八無變易故盡後際

法性不在於言論無說離說恒寂滅十力境界性亦然一切文辭莫能辨

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴經金卷五

三

六

疏九離言說故無二無對。

了知諸法性寂滅。如鳥飛空無有跡。以本願力現色身。今見如來大神變。

疏十。本願現身故能成益。

若有欲知佛境界。當淨其意。如虛空遠離妄想及諸取。令心所向皆無礙。

是故佛子應善聽。我以少譬明佛境。十力功德不可量。爲悟衆生今畧說。

導師所現於身業。語業心業諸境界。轉妙法輪般涅槃。一切善根我今說。

疏第一。誠聽許說中分二。初一誠聽勸修淨意。如空總以喻顯。下一句別顯一離妄取。如彼淨空無雲翳。故斯卽真止。二觸境無滯。如彼淨空無障礙。故斯卽真觀。此觀不作意以照境。則所照無涯。此止體性離而息妄。故諸取皆寂。若斯則不拂不瑩。而自淨矣。無淨之淨。則闇諳佛境矣。此爲心要。請後學思行。鈔總以喻顯。下此中有深止觀。宜審思之。

疏後二偈。許說分齊於中。初半偈結前生後。後偈半正示分齊。牒舉十門畧無行者。二業攝故。闕正

9 10 11 12 13 14 15 16 17 18 19 20

覺者導師中攝或復畧無。

譬如世界初安立非一因緣而可成無量方便諸因緣成此三千大千界。
如來出現亦如是無量功德乃得成利塵心念尚可知十力生因莫能測。

譬如劫初雲澍雨而起四種大風輪清淨意昔所迴向諸衆力成此三千各安住。

十力法雲亦如是起智風輪清淨意昔所迴向諸衆生普導令成無上果。

時清淨虛空天風力。

如來出現亦如是普雨法雨充法界一切劣意無能持唯除清淨廣大心。

譬如空中澍大雨無所從來無所去作者受者悉亦無自然如是普充洽。

十力法雨亦如是無去無來無造作本行爲因菩薩力一切大心咸聽受。

譬如空雲澍大雨一切無能數其滴唯除三千自在王具功德力悉明了。

善逝法雨亦如是一切衆生莫能測唯除於世自在

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

人明見如觀掌中寶。

譬如空雲澍大雨能減能起亦能斷一切珍寶悉能成三千所有皆分別。十力法雨亦如是滅惑起善斷諸見一切智寶皆使成衆生心樂悉分別。

譬如空中雨一味隨其所雨各不同。豈彼雨性有分別然隨物異法如是。

如來法雨非一異平等寂靜離分別然隨所化種種殊自然如是無邊相。

譬如世界初成時先成色界天宮殿次及欲天次人處乾闥婆宮最後成。

如來出現亦如是先起無邊菩薩行次化樂寂諸緣覺次聲聞衆後衆生。

諸天初見蓮華瑞知佛當出生歡喜水綠風力起世間宮殿山川悉成立。

如來宿善大光明巧別菩薩與其記所有智輪體皆淨各能開示諸佛法。

譬如樹林依地有地依於水得不壞水輪依風風依空而其虛空無所依。

一切佛法依慈悲慈悲復依方便立方便依智智依

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

釋述

聖嚴師金卷五

三

五

慧無礙慧身無所依。

譬如世界既成立。一切衆生獲其利。地水所住及空居。一足四足皆蒙益。

法王出現亦如是。一切衆生獲其利。若有見聞及親近。悉使滅除諸惑惱。

疏第二頌前十喻。卽爲十段。初喻四頌以是總故。餘九各二。今初文二前二頌總顯多緣。後二頌別顯緣相。其第九喻合云。方便依智者。智卽頌前出現。然初無礙慧。是佛實智。中二皆權於中智。卽知事。方便隨機合上卽權實無礙。對初卽悲智雙游。

如來出現法無邊世間迷惑莫能知。爲欲開悟諸含識。無譬喻中說其譬。

疏三結說無盡。

佛子。諸菩薩摩訶薩應云何見。如來應正等覺身。

疏第二別答。出現九門。先明身業。後八依故。長行。中一二先標舉。

佛子。諸菩薩摩訶薩應於無量處。見如來身。何以故。諸菩薩摩訶薩不應於一法一事一身一國土一衆生見於如來。應徧一切處見於如來。

疏後。佛子。諸菩薩下釋相。於中三初就法總明。次

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

約喻別顯。後就法總結。然總中五徧。通喻中十身。
 結中十句。別結十喻。亦同前出現。今初分四。一總
 教廣見。一何以故。徵其所由。三諸菩薩下。反釋所
 以。四應徧。一切下順以結酬。就反釋中。總舉五法
 法。是所知法界。及調伏法事。是調伏衆生行事故。
 晉經名行。身卽是正國土。是依生。是所化。四順結
 中。應翻上五。成五無量界。身爲能徧。四爲所徧。一
 徧法界。一徧調伏界。二徧調伏加行界。四徧世界。
 五徧衆生界。唯有五界。非是畧也。鈔唯有五界
 者。結示正義。非是畧也。彈於古釋。古云應有十句。

但文畧耳。故今彈之。

○疏第二。佛子譬如。下約喻別顯中明。如來出現。有
 十種身。一周徧。十方身。一無着。無礙身。三普入成
 益身。四平等隨應身。五無生潛益身。六圓廻等住
 身。七無心普應身。八窮盡後際身。九嚴利益生身。
 十嚴好滿願身。此卽八地十身。而爲次不同。一法
 身。二智身。三威勢。四菩提。五莊嚴。六意生。七化。八
 力持。九福德。十願。四是菩提者。初成先照。故偈云
 日光出現故。五莊嚴者。一毛孔隨好光明。以莊
 嚴故。餘文並顯。顯此十身。舉十喻。况一一喻中文

19 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷五

各有三。謂喻合結。鈔明如來者。疏文有四。一。正科經文。二。此卽下會釋十身。三。四是下隨難重釋。四。一下釋文。此亦古德同迷之處。不知此十卽十身故。

佛子。譬如虛空徧至一切色非色處。非至非不至。何以故。虛空無身故。如來身亦如是。徧一切處徧一切衆生徧一切法徧一切國土非至非不至。何以故。如來身無身故。爲衆生故。示現其身。佛子。是爲如來身第一相。諸菩薩摩訶薩應如是見。

疏今初虛空周徧喻。况周徧十方身。故下結云。以

其心無量徧十方故。喻中先直示後徵釋。徵云。至不至別。何得俱耶。以一無身。釋上二義。由無身故無可得至亦以無故。無所不至。如色中空。空若有身。身卽質聚。便礙於色。如鐵入水。水不入鐵。今由無身故徧入色中。法準喻知。此以事空。以況理空。理空卽是法身。故經偈云。佛以法爲身。清淨如虛空。故爲衆生下。此釋外疑。

復次佛子。譬如虛空寬廣非色。而能顯現一切諸色。而彼虛空無有分別。亦無戲論。如來身亦復如是以智光明。普照明故。令一切衆生。世出世間。諸善根業。

皆得成就。而如來身無有分別亦無戲論。何以故。從本以來。一切執著。一切戲論。皆永斷故。佛子是爲如來身第二相。諸菩薩摩訶薩應如是見。

疏第一空無分別喻。况無著無礙身故。結云所行無礙如虛空故。空無分別不礙顯色智無分別不礙利生。

復次佛子。譬如日出於闇浮提無量衆生皆得饒益。所謂破暗作明。變濕令燥。生長草木。成熟穀稼。廓徹虛空。開敷蓮華。行者見道。居者辦業。何以故。日輪普放無量光故。佛子如來智日。亦復如是以無量事普益衆生。所謂滅惡生善。破愚爲智。大慈救護。大悲度脫。令其增長根力覺分。令生深信。捨離濁心。令得見聞。不壞因果。令得天眼。見歿生處。令心無礙。不壞善根。令智修明。開敷覺華。令其發心。成就本行。何以故。如來廣大智慧日身。放無量光。普照耀故。佛子是爲如來身第三相。諸菩薩摩訶薩應如是見。

疏第三日光饒益喻。喻普入成益身。普入法界。故喻合皆有總別釋成。合中別內有十種益。合前八句初二合初句。世出世異故。三拔四流之苦與出世之樂。拯一乘沉定水之苦。與菩提樂。皆變濕令

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

燥之義四道品通長三乘草木五信有二義一成上義信能增長一切法故二合成熟信能必到如來地故六七二句合廓徹虛空一得見聞四諦因果智二得三明十力智如空有日廓淨照徹故八有一義令心無礙成上徹空不壞善根成下蓮華如赤蓮華不遇日光翳死無疑三乘善根若遇智日則便不壞九正合開華上已開不壞今未開令開十合後二句發菩提心卽見大道成就本行是辦家業鈔初一合初句世出世異故者謂初二句皆合破闇作明初句滅惡生善卽世間破闇作

明惡卽黑闇善卽明故後句破愚爲智卽是出世破闇作明三拔四流之苦卽大慈救護大悲度脫合變濕令燥四流是濕出世是燥定水是濕菩提是燥不沉淀水故道品通長下合上生長草木三乘草木卽藥草喻品三草二木初會已引

復次佛子譬如日出於闇浮提先照一切須彌山等諸大山王次照黑山次照高原然後普照一切大地日不作念我先照此後照於彼但以山地有高下故照有先後如來應正等覺亦復如是成就無邊法界智輪常放無礙智慧光明先照菩薩摩訶薩等諸大

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39

山王次照緣覺。次照聲聞。次照決定善根衆生。隨其心器示廣大智。然後普照一切衆生。乃至邪定亦皆普及爲作未來利益因緣令成熟故。而彼如來大智日光不作是念。我當先照菩薩大行。乃至後照邪定衆生。但放光明平等普照無礙無障。無所分別。

疏第四日光等照喻。喻平等隨應身由住眞際故無私平等文中一先正喻後重舉釋疑前中黑山喻緣覺者無法空之光故不出功德故不同菩薩十大山王表十地故高原喻聲聞者不生佛法蓮華故大地一種通含三聚取決定能生處喻正定內穿鑿高原亦况聲聞

聚得緣方生喻不定聚砂鹵等地喻邪定聚然亦不捨故皆等照。鈔高原喻聲聞者淨名第二云譬如高原陸地不生蓮華卑濕淤泥乃生此花。如是聲聞諸結斷者於佛法中無所復益煩惱泥中乃有衆生出佛法矣前亦已引故法華經法師品內穿鑿高原亦况聲聞

佛子譬如日月隨時出現大山幽谷普照無私如來智慧亦復如是普照一切無有分別隨諸衆生根欲不同智慧光明種種有異佛子是爲如來身第四相諸菩薩摩訶薩應如是見

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

疏後釋疑云。日光是一佛智萬殊。豈爲同喻。釋云。
 豈不向說。但隨山地有高下耶。故知但隨衆生智
 慧不同。佛無私智無若干也。未違前喻。又若旣約機
 說異。則照高未能兼下。照下而猶照高。又若旣約機
 先捨於小。次捨於中。唯菩薩高山盡日蒙照。思之。
 鈔又旣約機者。如照高山。未照黑山。若照黑山。
 卽照高山。謂說華嚴是照高山。二乘不預說阿含
 等。菩薩常聞等。餘可例知。又若旣約會權歸實。
 實然經但有先照高言。無有後照高山之語。今以
 義求必有之矣。會權歸實。先棄人天。非出離故。如

平地落照。次捨聲聞。令自悟故。如高無光。次捨緣
 覺。令起悲故。如黑山掩曜。次捨三乘。歸一乘故。如
 山銜夕陽故。先大後小。卽從本流。未於一佛乘。分
 別說三乘。捨小歸大。卽攝末歸本。則二義皆具。
 復次佛子。譬如日出生盲。衆生無眼根故。未曾得見。
 雖未曾見。然爲日光之所饒益。何以故。因此得知晝
 夜時節受用種種衣服飲食。令身調適。離衆患故。
 非是獨爲生盲不見。亦未曾滅以潛益故。
 如來智日亦復如是。無信無解。毀戒毀見。邪命自活。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

生盲之類。無信眼故。不見諸佛智慧日輪。雖不見佛智慧日輪。亦爲智日之所饒益。何以故。以佛威力令彼衆生所有身苦。及諸煩惱。未來苦因。皆消滅故。疏合中二先畧後廣。畧中五事皆盲。而無信爲總。故云無信眼故。此卽涅槃闡提三罪。無信斷善。卽一闡提。無解毀見。卽謗方等。毀戒邪命。卽犯四重禁。作五逆罪。此四至惡。猶有佛性。亦爲饒益。令離苦集。鈔畧中五事皆盲等者。亦通外難。謂有問言。五事皆盲。何不言無解眼等。答意可知。此卽涅槃下。會涅槃第九。初明三罪最重。有涅槃因。不說。

闡提後聖行品下。收闡提云。一闡提人。雖斷善根。猶有佛性。故總收之。此四明至惡不捨言三罪者。一謗方等經。二犯四重。三作五逆罪。此三未必撥無因果。撥無因果。卽一闡提令離苦集者。現在身苦爲苦果也。及諸煩惱未來苦因。義兼感業。上二皆集。

佛子。如來有光明名。積集一切功德。有光明名。普照一切。有光明名。清淨自在照。有光明名。出大妙音。有光明名。普解一切語言法。令他歡喜。有光明名。示現永斷一切疑。自在境界。有光明名。無住智。自在普照。

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

有光明名永斷一切戲論自在智。有光明名隨所應出妙音聲。有光明名出清淨自在音莊嚴國土成熟衆生。佛子如來一一毛孔放如是等千種光明五百光明普照下方五百光明普照上方種種刹中種種佛所諸菩薩衆。

疏後佛子如來下廣顯中二先能益光後所益衆今初一先列十光後結分齊今初十中初三成二莊嚴慧中一句一普照事一照淨理次三成三慧初一成聞慧後一成思修後四成四智大圓鏡智無住普照故平等性智絕戲論故妙觀察智隨應自分行五百照上者五位勝進行。

其菩薩等見此光明一時皆得如來境界十頭十眼十耳十鼻十舌十身十手十足十地十智皆悉清淨彼諸菩薩先所成就諸處諸地見彼光明轉更清淨一切善根皆悉成熟趣一切智住二乘者滅一切垢其餘一分生盲衆生身既快樂心亦清淨柔軟調伏堪修念智。

疏一其菩薩下所益中有四初益菩薩一益二二乘

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

三益生育。四益惡趣。菩薩有一種益。一益圓機。頓證佛境。二益權機。令熟權趣實。諸處謂五眼等。諸地謂種性地等。二乘生盲可知。

地獄餓鬼畜生諸趣所有衆生皆得快樂解脫衆苦。命終皆生天上人間佛子。彼諸衆生不覺不知以何因緣以何神力而來生此。彼生育者作如是念。我是梵天。我是梵化。是時如來住普自在三昧。出六十種妙音而告之言。汝等非是梵天亦非梵化亦非帝釋護世所作。皆是如來威神之力。彼諸衆生聞是語已。以佛神力。皆知宿命。生大歡喜心歡喜故。自然而出

優曇華雲。香雲。音樂雲。衣雲。蓋雲。幢雲。幡雲。末香雲。寶雲。師子幢。半月樓閣雲。歌詠讚歎雲。種種莊嚴雲。皆以尊重心供養如來。何以故。此諸衆生得淨眼故。如來與彼授阿耨多羅三藐三菩提記。佛子。如來智日。如是利益生育衆生。令得善根。具足成熟。佛子。是爲如來身第五相。諸菩薩摩訶薩應如是見。

疏四地獄下。光益惡趣文有六段。一。拔苦與樂。二。佛子下。因起邪見。二。是時下。慈音示正。四。彼諸下。迴邪報恩。五。如來下。佛與授記。六。佛子下。結光利益。此中諸益多同隨好。

復次佛子。譬如月輪。有四奇特。未曾有法。何等爲四。

一者暎蔽。一切星宿光明。二者隨逐於時。示現虧盈。

三者於闇浮提澄淨水中。影無不現。四者一切見者。

皆對目前。而此月輪。無有分別。無有戲論。佛子。如來

身月亦復如是。有四奇特。未曾有法。何等爲四。所謂

暎蔽。一切聲聞獨覺學無學衆。隨其所宜。示現壽命。

修短不同。而如來身無有增減。一切世界淨心衆生。

菩提器中。影無不現。一切衆生有瞻對者。皆爲如來

唯現我前。隨其心樂。而爲說法。隨其地位。令得解脫。

隨所應化。令見佛身。而如來身無有分別。無有戲論。

撰述

華嚴疏卷五十一

四

復次佛子。譬如月輪。有四奇特。未曾有法。何等爲四。
一者暎蔽。一切星宿光明。二者隨逐於時。示現虧盈。
三者於闇浮提澄淨水中。影無不現。四者一切見者。
皆對目前。而此月輪。無有分別。無有戲論。佛子。如來
身月亦復如是。有四奇特。未曾有法。何等爲四。所謂
暎蔽。一切聲聞獨覺學無學衆。隨其所宜。示現壽命。
修短不同。而如來身無有增減。一切世界淨心衆生。
菩提器中。影無不現。一切衆生有瞻對者。皆爲如來
唯現我前。隨其心樂。而爲說法。隨其地位。令得解脫。
隨所應化。令見佛身。而如來身無有分別。無有戲論。

薩摩訶薩應如是見。

疏第六月光奇特喻。喻佛圓廻等住身。謂等住三
世無增減故。合中四法者。一圓智。二乘。三常身。
示延促。三由器見有無。四所見無向背。初及後二。
皆圓廻義。菩提器者。堪受菩提之人。覩意生身。若
心海澄清。妄念都寂。則真見佛矣。

復次佛子。譬如三千大千世界大梵天王。以少方便。
於大千世界。普現其身。一切衆生。皆見梵王現在已
前。而此梵王亦不分身。無種種身。佛子。諸佛如來亦

19 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

復如是。無有分別。無有戲論。亦不分身。無種種身。而隨一切衆生心樂。示現其身。亦不作念現若干身。佛子。是爲如來身第七相。諸菩薩摩訶薩應如是見。

疏第七梵王普現喻。喻佛無心普應身。不分而偏故。

復次佛子。譬如毘盧遮那。善知衆藥。及諸咒論。闇浮提中。諸所有藥用。無不盡復。以宿世諸善根力。大明咒力。爲方便故。衆生見者。病無不愈。彼大毘盧遮那。知命將終。作是念言。我命終後。一切衆生無所依怙。我今宜應爲現方便。是時毘盧遮那。合藥塗身。明咒力持。令其終後。

身不分散。不萎不枯。威儀視聽。與本無別。凡所療治。悉得除差。

疏第八醫王延壽喻。喻佛第盡後際身。喻中一先彰現德。後彼大下。咒力持身。

佛子。如來應正等覺。無上醫王。亦復如是。於無量百千億那由他劫。鍊治法藥。已得成就。修學一切方便。善巧大明咒力。皆到彼岸。善能除滅一切衆生諸煩惱病。及住壽命。經無量劫。其身清淨。無有思慮。無有動用。一切佛事。未嘗休息。衆生見者。諸煩惱病。悉得消滅。佛子。是爲如來身第八相。諸菩薩摩訶薩應如

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

是見。

疏合中亦二初合現德於中初合用藥無不盡次修學下合兜力爲方便後善能下合見者病愈二及住下合兜力持身用前兜藥持住多劫故畧不重明藥兜能持。

復次佛子譬如大海有大摩尼寶名集一切光明毘盧遮那藏若有衆生觸其光者悉同其色若有見者眼得清淨隨彼光明所照之處雨摩尼寶名爲安樂令諸衆生離苦調適佛子諸如來身亦復如是爲大寶聚一切功德大智慧藏若有衆生觸佛身寶智慧應如是見。

疏第九摩尼利物喻喻佛嚴利益生身雨寶利貧卽嚴利故各有體用可知。

復次佛子譬如大海有大如意摩尼寶王名一切世間莊嚴藏具足成就百萬功德隨所住處令諸衆生災患消除所願滿足然此如意摩尼寶王非少福衆

生所能得見。

疏第十寶王滿願喻。喻佛相嚴滿願身。

如來身如意寶王亦復如是。名爲能令一切衆生皆悉歡喜。若有見身。聞名讚德。悉令永離生死苦患。假使一切世界。一切衆生。一時專心欲見如來。悉令得見。所願皆滿。佛子。佛身非是少福衆生所能得見。唯除如來自在神力。所應調伏。若有衆生。因見佛身。便種善根。乃至成熟。爲成熟故。乃令得見如來身耳。佛子。是爲如來身第十相。諸菩薩摩訶薩應如是見。疏合中先正合後佛子佛身下。釋疑於中初雖合

喻。已是釋疑。謂有疑云。若念皆見。今何不見。故云少福不見。次疑云。亦有貪下薄福。何以得見。釋云。除可調者。

以其心無量徧十方故。所行無礙如虛空故。普入法界故。住真實際故。無生無滅故。等住三世故。永離一切分別故。住盡後際。誓願故。嚴淨一切世界故。莊嚴一一佛身故。

疏第三以其心無量下。就法總結。十句次第結前十身。其有難者。前已會釋。

爾時普賢菩薩摩訶薩。欲重明此義。而說頌言。

疏第二頌中有一千偈。次第頌喻。喻各二偈。

譬如虛空徧十方。若色非色。有非有。三世衆生身國土。如是普在無邊際。

諸佛真身亦如是一切法界無不徧。不可得見。不可取。爲化衆生而現形。

譬如虛空不可取。普使衆生造衆業。不念我今何所作。云何我作爲誰作。

諸佛身業亦如是。普使羣牛修善法。如來未曾有分別。我今於彼種種作。

譬如日出闇浮提光明破闇悉無餘。山樹池蓮地衆

物種種品類皆蒙益。

諸佛日出亦如是。生長人天衆善行。永除癡闇得智明。恒受尊榮。一切樂。

譬如日光出現時。先照山王次餘山。後照高原及大地。而日未始有分別。

善逝光明亦如是。先照菩薩次緣覺。後照聲聞及衆生。而佛本來無動念。

譬如生育不見日。日光亦爲作饒益。令知時節受飲食。永離衆患。身安隱。

無信衆生不見佛。而佛亦爲興義利。聞名及以觸光。

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

撰述

華嚴疏金卷五

五

七

明因此乃至得菩提。

譬如淨月在虛空能蔽衆星示盈缺。一切水中皆現影。諸有觀瞻悉對前。

如來淨月亦復然能蔽餘乘示修短普現天人淨心水。一切皆謂對其前。

譬如梵王住自宮普現三千諸梵處。一切人天咸得見。實不分身向於彼。

諸佛現身亦如是一切十方無不徧其身無數不可稱亦不分身不分別。

如有醫王善方術。若有見者病皆愈。命雖已盡藥塗

身令其作務悉如初。

最勝醫王亦如是具足方便一切智以昔妙行現佛身衆生見者煩惱滅。

譬如海中有寶王普出無量諸光明衆生觸者同其色若有見者眼清淨。

最勝寶王亦如是觸其光者悉同色若有得見五眼開破諸塵闇住佛地。

譬如如意摩尼寶隨其所求皆滿足少福衆生不能見非是寶王有分別。

善逝寶王亦如是悉滿所求諸欲樂無信衆生不見

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷五十一

三

佛非是善逝心棄捨。

領緣孝廉仲聞韶募同袍等助銀八兩九分六厘刻此一卷芳名開後

朱大觀
羅斗章
陸鑑奇
沈士臯

朱大治
譚貞默
譚貞頑
施有恒

屠襄孫
黃申錫
潘履泰

姚以亨
卜萬運
姚以亮

葉禾
屠虎
沈純

大方廣佛華嚴經疏鈔卷五十 終

大方廣佛華嚴經疏鈔卷五十一之一

于闐國三藏沙門實叉難陀 譯

清涼山大華嚴寺沙門澄觀撰述

如來出現品第三十七之一

佛子。菩薩摩訶薩應云何知如來應正等覺音聲。佛子。菩薩摩訶薩應知如來音聲徧至普徧無量諸音聲故。應知如來音聲隨其心樂皆令歡喜說法明了。故應知如來音聲隨其信解皆令歡喜心得清涼故。應知如來音聲化不失時所應聞者無不聞故應知如來音聲無生滅如呼響故應知如來音聲無王修

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

習一切業所起故。應知如來音聲甚深難可度量故。應知如來音聲無邪曲法界所生故。應知如來音聲無斷絕。普入法界故。應知如來音聲無變易。至於究竟故。

疏第二出現語業長行有標釋結釋中二初就法畧說二約喻廣說三以法通結昔人亦以初十爲百後十通前十爲千此亦可通今更一解後結則容通結中十中十則別喻初十但小不次耳今初圓音之義畧起四門一敘昔二辨違三會通四正釋前三非要廣在別章但正釋文自含衆妙鈔

第二出現語業一敘昔有三義一云諸佛唯是第一義身永絕萬像無形無聲直隨機現無量色聲猶空谷無聲隨呼發響然則就佛言之無音是一約機論之衆音非一而言一音圓音者良由一時一會異類等解隨其根性各得一音不聞餘聲不然不杳顯是奇特故名一音音徧十方隨機熟處無不聞故名爲圓音非謂如空徧滿無別韻曲經云隨其類音普告衆生斯之謂也二云就佛言之實有色聲其音徧滿無所不徧但無五音四聲等異無異曲故名爲一音無不徧故名爲圓音但是

圓音作增上緣隨根差別現衆多聲猶如滿月唯
一圓形隨器差別而現多影亦如長風隨其衆竅
聲有多種經言佛以一音演說法衆生隨類各得
解三云如來於一語業之中演出一切衆生言音
是故令彼衆生各聞已語非是如來唯發一音但
以語業同故名爲一音所發多故名爲圓音如舍
支聲尚多音齊發况如來耶一辨違者上來三解
偏取皆失初第一義無形無聲非音義故但隨他
音非自音故第二雅是一語無多音故一不卽多
豈爲圓音有則多亦應有無則一亦須無何得一

有而多無耶第三雖但是多又無一故若語業同
一切衆生豈一音耶故並非也三會通者上但責
偏不謂全失合上三義方是圓音之義耳謂多卽
一若多不卽一則非一音一復卽多若一不卽多
卽非圓音二卽是空空卽是一若二不卽空是所
執故不無性故非圓非一空不卽一非音非圓故
鎔融無礙即是圓音此中三義謂初是無生滅義
次一是無邪曲義後一是普至義是知得正義則
傍收無遺不得正意並爲乖理

疏文有十音以顯無盡各上句標下句釋一普偏

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

者卽隨類音。然有二義。一約體廣無聲不至。故云普偏無量音聲。斯則人天等異萬類齊聞。上云衆生隨類各得解。二者隨前一一之音皆能獨偏。如目連不究其邊。二隨樂欲音。謂趣舉一一類音。能隨樂欲說種種法。上經云。如來於一語言中演說無邊契經海。又云佛以一妙音周聞十方國。衆音悉具足。法雨皆充偏通。證前之二義。三隨根解音。謂卽上說中隨說一法。大小各聞。故云隨其信解。寶積云。佛以一音演說法。衆生各各隨所解。四隨時音。謂卽上大小之法。令聞不聞。皆自在故。云不失時。亦兼隨聞一法。欣憂不同。寶積云。或有恐畏或歡喜。上四多約卽體之用。是圓音義。後六多約卽用之體顯一音義。謂五外隨緣叩我無生滅。六內集緣成。何有王室。七甚深者。欲言其一。則萬類能具多音。故上云一切衆生語言法。一言演說盡無餘。欲言其異。卽上多音。唯令聞一。故下喻云譬。如天鼓發種種聲。懈怠諸天。唯聞無常覺悟之音。故甚深也。八純稱法界九。橫入無斷。十豎歸一極。此十圓融一味。是如來圓音。

鈔四釋文者。在文能具多音。故上云一切衆生語言法。一言演說盡無餘。欲言其異。卽上多音。唯令聞一。故下喻云譬。如天鼓發種種聲。懈怠諸天。唯聞無常覺悟之音。故甚深也。八純稱法界九。橫入無斷。十豎歸一極。此十圓融一味。是如來圓音。

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

可見但初一卽隨類音亦同淨名佛以一音演說法衆生隨類各得解皆謂世尊同其語斯則神力不共法釋曰此卽詞無礙解以辨一音三四皆引寶積亦卽淨名寶積長者子偈讚一音次上所引第一偈云佛以一音演說法釋曰此卽法無礙解云一音也第三偈云佛以一音演說法或有恐畏或歡喜或生厭離或斷疑斯則神力不共法釋曰此卽義無礙解云一音也此十圓融下結成上義疏是知或謂無聲隨叩發響或謂唯一直聲無宮商等異皆大地之一塵耳鈔是知或謂下第三同正解廣大智地

結彈古說但結前二以其第三可入正故皆大地下約收以結則此一塵不離地界積多小塵可成大地積其多義以爲圓音若約斥彈異說之微豈同正解廣大智地

佛子菩薩摩訶薩應知如來音聲非量非無量非王非無王非示非無示

疏第二佛子菩薩下約喻廣說中三初結前生後次徵後釋今初收上十聲要不出三約相則廣無量約體則無王字約用則有顯示今並雙非以顯中道謂莫窮其邊故非量隨機隨時有聞不聞故

非無量多緣集故非有王純一法界生故非無王當體無生故無能示巧顯義理故非無示

疏更以四句明體用無礙謂一以用從體由體無不在故能令上十類皆徧一切非唯徧聲亦徧一切時處衆生如來法界等雖復於色等皆徧恒不雜亂若不等徧則音非圓若由等徧失其音曲則圓非音今不壞曲而等徧不動徧而差韻方成圓音一以體從用其一一音皆具含真性三用卽體故上十類聲皆不可得唯第一義永離所執故法螺恒震妙音常寂名寂靜音如空谷響有而卽虛量境界

若不卽虛非但失於一音亦不得圓融自在四體卽用故寂而恒宣若天鼓無心而應一切長風隨竅萬吹不同若不徧同非但失於能圓亦非真一梵音隨緣自在名爲如來圓音妙音非是心識思量境界

何以故佛子譬如世界將欲壞時無王無作法爾而出四種音聲其四者何一曰汝等當知初禪安樂離諸欲惡超過欲界衆生聞已自然而得成就初禪捨欲界身生於梵天二曰汝等當知二禪安樂無覺無觀超於梵天衆生聞已自然而得成就二禪捨梵天

身生光音天三曰汝等當知三禪安樂無有過失超光音天衆生聞已自然而得成就三禪捨光音身生偏淨天四曰汝等當知四禪寂靜超偏淨天衆生聞已自然而得成就四禪捨偏淨身生廣果天是爲四佛子此諸音聲無主無作但從衆生諸善業力之所出生佛子如來音聲亦復如是無主無作無有分別非入非出但從如來功德法力出於四種廣大音聲其四者何一曰汝等當知一切諸行皆悉是苦所謂地獄苦畜生苦餓鬼苦無福德苦著我我所苦作諸惡行苦欲生人天當種善根生人天中離諸難處衆生聞已捨離顛倒修諸善行離諸難處生人天中二曰汝等當知一切諸行衆苦熾然如熱鐵丸諸行無常是磨滅法涅槃寂靜無爲安樂遠離熾然消諸熱惱衆生聞已勤修善法於聲聞乘得隨順音聲忍二曰汝等當知聲聞乘者隨他語解智慧狹劣更有上乘名獨覺乘悟不由師汝等應學樂勝道者聞此音已捨聲聞道修獨覺乘四曰汝等當知過二乘位更有勝道名爲大乘菩薩所行順六波羅蜜不斷菩薩行不捨菩提心處無量生死而不疲厭過於二乘名爲大乘第一乘勝乘最勝乘上乘無上乘利益一切

撰述

聖經正義卷五十一

七

9 10 11 12 13 14 15 16 17 18 19 20

衆生乘若有衆生信解廣大諸根猛利宿種善根爲諸如來神力所加有勝樂欲希求佛果聞此音已發菩提心佛子如來音聲不從身出不從心出而能利益無量衆生

疏第二徵意云前言無量等今何雙非第二舉喻廣釋其大意云性相無礙體用相即故約法難顯寄喻以明十喻卽爲十段段各有三謂喻合結今第一劫盡唱聲喻喻前第六無王喻中言法爾者俱含第二云生無色界有一種因一因力謂近習及數習故二業力謂上界後報業果欲至故若

生色界則有三因謂加法爾力但器壞時法爾有聲故然四種音非是一時初一火劫將壞欲界及初禪時三卽水災壞二禪時四卽風災欲壞三禪時四聲各別故非無王但從緣生故非有王合中明佛欲壞生死世間亦有四聲說五乘法

佛子是爲如來音聲第一相諸菩薩摩訶薩應如是知

復次佛子譬如呼響因於山谷及音聲起無有形狀不可覩見亦無分別而能隨逐一切語言如來音聲亦復如是無有形狀不可覩見非有方所非無方所

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

但隨衆生欲解緣出其性究竟無言無示不可宣說
佛子是爲如來音聲第二相諸菩薩摩訶薩應如是
知。

疏第一 繼聲隨緣喻上第五無生。

復次佛子譬如諸天有大法鼓名爲覺悟若諸天子
行放逸時於虛空中出聲告言汝等當知一切欲樂
皆悉無常虛妄顛倒須臾變壞但誑愚夫令其戀著
汝莫放逸若放逸者墮諸惡趣後悔無及放逸諸天
聞此音已生天憂怖捨自宮中所有欲樂詣天王所
求法行道佛子彼天鼓音無三無作無起無滅而能
利益無量衆生當知如來亦復如是爲欲覺悟放逸
衆生出於無量妙法音聲所謂無著聲不放逸聲無
常聲苦聲無我聲不淨聲寂滅聲涅槃聲無有量自
然智聲不可壞菩薩行聲至一切處如來無功用智
地聲以此音聲徧法界中而開悟之無數衆生聞是
音已皆生歡喜勤修善法各於自乘而求出離所謂
或修聲聞乘或修獨覺乘或習菩薩無上大乘而如
來音不任方所無有言說佛子是爲如來音聲第三
相諸菩薩摩訶薩應如是知。

疏第三天鼓開覺喻第九無斷絕聲徧入法界

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

化無斷故喻合各三。一能開覺。二開覺益。三結用歸體。一當知下。合中三者。初合能開覺。別有十一聲義分四節。而有一意。一初二通五乘。次六通三乘。次一通第一。第二乘後。二唯大乘。二者初一節人天餘三節配三乘。次無數下。合開覺益。後而如來下。合結歸體。由不住方等。故上能普偏。是以莊嚴論云。若佛音聲是有法。非非法者。不能偏至十方。反此故能。鈔若佛音聲下。釋曰。此非法言。即是真理爲非法耳。

復次佛子。譬如自在天王。有天采女。名曰善口。於其

口中出一音聲。其聲則與百千種樂而共相應。一樂中。復有百千差別音聲。佛子。彼善口女。從口一聲。出於如是無量音聲。當知如來亦復如是。於一音中。出無量聲。隨諸衆生心樂差別。皆悉偏至。悉令得解。佛子。是爲如來音聲第四相。諸菩薩摩訶薩應如是知。

疏第四天女妙聲喻。喻第三隨信解聲。多音隨樂故。

復次佛子。譬如大梵天王。住於梵宮。出梵音聲。一切梵衆靡不皆聞。而彼音聲不出衆外。諸梵天衆咸生

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

是念大梵天王獨與我語如來妙音亦復如是道場衆會靡不皆聞而其音聲不出衆外何以故根未熟者不應聞故其聞音者皆作是念如來世尊獨爲我說佛子如來音聲無出無住而能成就一切事業是爲如來音聲第五相諸菩薩摩訶薩應如是知

疏第五梵聲及衆喻喻化不失時熟者必聞卽以根熟爲衆

復次佛子譬如衆水皆同一味隨器異故水有差別水無念慮亦無分別如來言音亦復如是唯是一味謂解脫味隨諸衆生心器異故無量差別而無念慮

亦無分別佛子是爲如來音聲第六相諸菩薩摩訶薩應如是知

疏第六衆水一味喻喻無邪曲聲從法界生一體性故

復次佛子譬如阿那婆達多龍王興大密雲徧闇浮提普霪甘雨百穀苗稼皆得生長江河泉池一切盈滿此大雨水不從龍王身心中出而能種種饒益衆生佛子如來應正等覺亦復如是興大悲雲徧十方界普雨無上甘露法雨令一切衆生皆生歡喜增長善法滿足諸乘佛子如來音聲不從外來不從內出

而能饒益一切衆生。是爲如來音聲第七相。諸菩薩摩訶薩應如是知。

疏第七降雨滋榮喻。喻歡喜聲。稱根增長故。離佛無聲不從外來。離機無聲不從內出。

復次佛子。譬^戸如摩那斯龍王。將欲降雨。未便卽降。先起大雲。彌覆虛空。凝停七日。待諸衆生作務究竟。何以故。彼大龍王有慈悲心。不欲惱亂諸衆生。故過七日已降。微細雨普潤大地。佛子。如來應正等覺。亦復如是。將降法雨。未便卽降。先興法雲。成熟衆生。爲欲令其心無驚怖。待其熟已。然後普降甘露法雨。演說。

甚深微妙善法。漸次令其滿足。如來一切智智。無上法味。佛子。是爲如來音聲第八相。諸菩薩摩訶薩應如是知。

疏第八漸降成熟喻。喻無變聲。以皆至究竟故。上先照高山。以顯頓圓。此先小後大。即是漸圓。將降法雨者。思欲說一也。未便卽降者。恐破法墮惡道。故先興法雲。是說方便。方便含實。如雲含水。

復次佛子。譬如海中。有大龍王。名大莊嚴。於大海中。降雨之時。或降十種莊嚴雨。或百或千。或百千種莊嚴雨。佛子。水無分別。但以龍王不思議力。令其莊嚴。

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

撰述

西藏經卷五十一

乃至百千無量差別。如來應正等覺亦復如是。爲諸衆生說法之時。或以十種差別音說。或百或千或以百千或以八萬四千音聲說。八萬四千行乃至或以無量百千億那由他音聲。各別說法令其聞者皆生歡喜。如來音聲無所分別。但以諸佛於甚深法界圓滿清淨能隨衆生根之所宜出種種言音皆令歡喜。佛子是爲如來音聲第九相。諸菩薩摩訶薩應如是知。

疏第九降霆難思喻。喻上甚深聲雖多差別。皆於甚深法界之所流故。

復次佛子。譬如娑竭羅龍王欲現龍王大自在力饒益衆生成令歡喜。

疏第十偏降種種喻。喻普偏聲非唯普偏四洲亦偏出多雷音。喻中有總別結。

從四天下乃至他化自在天處。興大雲網周布彌覆其雲色相無量差別。或闇浮檀金光明色。或毘瑠璃光明色。或白銀光明色。或玻瓈光明色。或牟薩羅光明色。或瑪瑙光明色。或勝藏光明色。或赤真珠光明色。或無量香光明色。或無垢衣光明色。或清淨水光明色。或種種莊嚴具光明色。如是雲網周布彌布。既

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

華嚴經卷三十一

七

彌布已。出種種色電光。所謂闍浮檀金色雲。出琉璃色電光。琉璃色雲。出金色電光。銀色雲。出玻瓈色電光。玻瓈色雲。出銀色電光。牟薩羅色雲。出碼礪色電光。碼礪色雲。出牟薩羅色電光。勝藏寶色雲。出赤真珠色電光。赤真珠色雲。出勝藏寶色電光。無量香色雲。出無垢衣色電光。無垢衣色雲。出無量香色電光。清淨水色雲。出種種莊嚴具色電光。種種莊嚴具色雲。出清淨水色電光。乃至種種色雲。出一色電光。一色雲。出種種色電光。復於彼雲中出種種雷聲。隨眾生心。皆令歡喜。所謂或如天女歌詠音。或如諸天伎

樂音。或如龍女歌詠音。或如乾闥婆女歌詠音。或如緊那羅女歌詠音。或如大地震動聲。或如海水波潮聲。或如獸王哮吼聲。或如好鳥鳴喚聲。及餘無量種種音聲。既震雷已。復起涼風。令諸衆生心生悅樂。然後乃降種種諸雨。利益安樂無量衆生。從他化天。至於地上。於一切處。所雨不同。所謂於大海中雨清冷。水名無斷絕。於他化自在天雨簫笛等種種樂音。名爲美妙。於化樂天雨大摩尼寶。名放大光明。於兜率天雨大莊嚴具。名爲垂髻。於夜摩天雨大妙華。名種種莊嚴具。於二十三天雨衆妙香。名爲悅意。於四天

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

王天雨天寶衣名爲覆蓋於龍王宮雨赤真珠名涌出光明於阿修羅宮雨諸兵仗名降伏怨敵於北鬱單越雨種種華名曰開敷餘三天下悉亦如是然各隨其處所雨不同。

疏從四天下別中有五一雲一電二雷四風五雨此與賢首品文有影畧思之。

雖彼龍王其心平等無有彼此但以衆生善根異故雨有差別。

疏後雖彼下結。

佛子如來應正等覺無上法王亦復如是欲以正法

教化衆生先布身雲彌覆法界隨其樂欲爲現不同所謂或爲衆生現生身雲或爲衆生現化身雲或爲衆生現力持身雲或爲衆生現色身雲或爲衆生現相好身雲或爲衆生現福德身雲或爲衆生現智慧身雲或爲衆生現諸力不可壞身雲或爲衆生現無畏身雲或爲衆生現法界身雲。

疏合中亦有總別結別中亦有五前四各有佛子一以身合雲有覆陰等故卽菩提等十身中有四身名異義同一卽願身願生兜率故第四卽意生身隨意所生同世色故八卽菩提身具佛十力成

菩提故。九卽威勢真四無畏能伏外故亦可十力降魔爲威勢無畏爲正覺有正覺義故餘六名義俱同。

佛子如來以如是等無量身雲普覆十方一切世界隨諸衆生所樂各別示現種種光明電光所謂或爲衆生現光明電光名無所不至或爲衆生現光明電光名無邊光明或爲衆生現光明電光名入佛秘密法或爲衆生現光明電光名影現光明或爲衆生現光明電光名光明照耀或爲衆生現光明電光名入無盡陀羅尼門或爲衆生現光明電光名正念不亂或爲衆生現光明電光名究竟不壞或爲衆生現光明電光名順入諸趣或爲衆生現光明電光名滿一切願皆令歡喜。

疏第二 合電光不出通明無畏

佛子如來應正等覺現如是等無量光明電光已復隨衆生心之所樂出生無量三昧雷聲所謂善覺智三昧雷聲熾然離垢海三昧雷聲一切法自在三昧雷聲金剛輪三昧雷聲須彌山幢三昧雷聲海印三昧雷聲日鎧三昧雷聲無盡藏三昧雷聲不壞解脫力三昧雷聲

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

聖嚴正錄卷五十一

疏第三以三昧合雷聲者畧有三義一若秋之雷
蟄蟲藏匿若入三昧諸惡不行二若春之雷則發
蟄開萌猶彼三昧發生功德三雷是雨之先相三
昧是說之先兆十名思而釋之

佛子如來身雲中出如是等無量差別三昧雷聲已
將降法雨先現瑞相開悟衆生所謂從無障礙大慈
悲心現於如來大智風輪名能令一切衆生生不思
議歡喜適悅

疏第四以大智合風者以後得智觀機警覺加被
令成法器故

此相現已一切菩薩及諸衆生身之與心皆得清涼
然後從如來大法身雲大慈悲雲大不思議雲雨不
思議廣大法雨令一切衆生身心清淨所謂爲坐菩
提場菩薩一大法雨名法界無差別爲最後身菩薩
雨大法雨名菩薩遊戲如來秘密教爲一生所繫菩
薩雨大法雨名清淨普光明爲灌頂菩薩雨大法雨
名如來莊嚴具所莊嚴爲得忍菩薩雨大法雨名功
德寶智慧華開敷不斷菩薩大悲行爲住向行菩薩
雨大法雨名入現前變化甚深門而行菩薩行無休
息無疲厭爲初發心菩薩雨大法雨名出生如來大

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

慈悲行。救護衆生。爲求獨覺乘。衆生雨大法雨。名深知緣起法。遠離一邊。得不壞解脫果。爲求聲聞乘。衆生雨大法雨。名以大智慧劍。斷一切煩惱怨。爲積集善根。決定不決定衆生。雨大法雨。名能令成就種種法門。生大歡喜。

疏第五此相現已下。以說法全雨於中初結前標後。所謂下別有十法者。一將成正覺念相欲盡。聞斯法雨。便細念都忘得。見心性等虛空界。法界一相始本無二。契同諸佛平等法身。故云說法界無差別。鈔一將成正覺者。卽起信論。數段論。

文叅而用之。論云。如菩薩地盡。一念相應。覺心初起。心無初相。以遠離微細念故。得見心性。心卽常住。名究竟覺。今取意釋。云將成正覺。言念相欲盡者。卽微細念也。此念亦名生相。卽論三細之一。論云。一無明業相。以依不覺故。心動說。名爲業動。則有苦。果不離因故。釋曰。此念卽細中之細。今無此相。云細念都亡。言得見心性者。卽上論文言。等虛空界法界一相者。卽論釋本覺之文。論云。所言覺義者。謂心體離念。離念相者。等虛空界。無所不徧。法界一相。卽是如來平等法身。依此法身說。名本

覺釋曰。今畧取一句彰所顯本覺言始本無二者。卽所成始覺。彼論釋前說名本覺後云何以故。本覺義者。對始覺義說。以始覺者。卽同本覺故。始覺義者。依本覺故。而有不覺。依不覺故。說有始覺。又以覺心源故。名究竟覺。不覺心源故。非究竟覺。釋曰。今疏取意。故云始本無一言契同諸佛下。結成上來無二乏義。平等法身。卽前本覺。故云說法界下。以經帖成。

疏二。出胎已後。坐道場前後。更無身故。名最後法雨。名遊戲等者。此有二義。一開爲二。爲游戲是神。通作用。故名游戲。在法華經以體從用。名如來知見。深固幽遠。名爲秘密。雖初心同稟。而窮究在斯。故亦爲說。

鈔三德涅槃者。涅槃章明。在法華者。涅槃約理。知見。約智。知見。有性。非無有理。涅槃亦有般若之德。非無有智。涅槃乃是攝用從體。但稱涅槃。以爲所證。法華經明以體從用。但名知見。故法華論釋開義云。開者無上義。卽雙開菩提涅槃。示法

撰述
華嚴疏錄卷三十一
身同卽唯約理悟約菩提。卽是於智明具理智。况知法無性。豈非理耶。故今疏云。以體從用等深。固幽遠者。卽法華經法師品文。文云。此法華經藏。深固幽遠。無人能到。今佛教化。成就菩薩。而爲開示。釋曰。幽遠深固。名爲秘密。雖初心下解妨。妨云。法華經除諸菩薩衆信力堅固者。又三根聲聞。初發大心。皆稟法華如來知見。何要此位。方爲說耶。故爲此通約究竟故。爲等覺說。實則此法通被始未。疏云。一生所繫者。謂如彌勒。更一下生故。所以更一生者。由微細無明。能障所知。故今爲說。令淨彼。

細惑成種智普照。上三皆等覺位。鈔所以更一生者。第二會初已廣分別。

疏四灌頂菩薩。卽十地受職位。十方諸佛法水灌頂。墮在佛數。能受如來大法雲雨。令具佛功德智。慧廣作佛事。爲莊嚴故。

疏五得忍菩薩。若取忍淨。入地已上。將止此忍。勸滿福智。不斷悲故。若取初得。有說初地卽得。爲說信等功德。後後圓淨。十地地智。一一開發。不斷二利故。鈔有說初地者。六地已引。卽仁王云。若得信心。必不退進。入無生初也。道爲說信者。卽初地。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷五十一

三

淨治地法信悲慈捨無疲厭知經論了世法堅固力慚愧莊嚴供養佛也後後圓淨者釋經寶字以此十法淨治地障地地漸淨故云後後十地地智者卽釋智慧花開敷不斷二利者不斷大悲行等地地之中有一利故。

疏六住向三卽三賢位令其入證真如現前依此變化爲甚深門而勝進不息。

疏七初發心者通信初發心及信滿發心既發上求下化之心令依願行故上皆已得本位故並爲說勝進上位之法。

疏此下二門通有一意一約初求顯說說其自乘二約已住密說密授大乘如緣文中約自乘說則因謝非常果續非斷逆觀非有順觀非無爲離二邊雖離二邊而不壞自乘之果約密十二因緣卽是中道中道者名爲佛性故曰甚深緣起是爲上上智觀故得不壞佛解脫果故鈔中道等者初二會中以廣分別是爲上上者亦涅槃文六地已引。

疏九聲聞中一者一顯說由彼厭患苦集故說人空智劍斷之一約密說應以法空斷一切惑故名

支那

華嚴疏金卷五十一

三

三

大劍。鈔應以法空者。此有一意。一以法空。據於人空。照惑無本。無斷斷故。二言一切者。兼斷所知。亦煩惱故。

疏十爲二聚衆生。故二云集善根者。其邪定聚未堪法雨。未定令得。名爲成熟已定。令增種種法門。佛子諸佛如來。隨衆生心。雨如是等廣大法雨。充滿一切無邊世界。佛子如來應正等覺。其心平等。於法無惱。但以衆生根欲不同。所雨法雨。不有差別。是爲如來音聲第十相。諸菩薩摩訶薩應如是知。

疏三佛子諸佛下。合上結中有二佛子。初合結數。

後合心等。以釋外疑。

復次佛子。應知如來音聲有十種無量。何等爲十。所謂如虛空界無量。至一切處故。如法界無量。無所不徧故。如衆生界無量。令一切心喜故。如諸業無量。說其果報故。如煩惱無量。悉令除滅故。如衆生言音無量。隨解令聞故。如衆生欲解無量。普觀救度故。如三世無量。無有邊際故。如智慧無量。分別一切故。如佛境界無量。入佛法界故。

疏第三復次佛子。應知下通結十喻。皆無分量。文顯可知。

佛子如來應正等覺音聲成就如是等阿僧祇無量諸菩薩摩訶薩應如是知。

爾時普賢菩薩摩訶薩欲重明此義而說頌言。

疏第二偈頌頌上十喻喻各一偈。

三千世界將壞時衆生福力聲告言四禪寂靜無諸苦令其聞已悉離欲。

十力世尊亦如是出妙音聲徧法界爲說諸行苦無常令其永度生死海譬如深山大谷中隨其音聲皆響應雖能隨逐他言語而響畢竟無分別。

十力言音亦復然隨其根熟爲示現令其調伏生歡喜不念我今能演說。

如天有鼓名能覺常於空中震法音誠彼放逸諸天子令其聞已得離著。

十力法鼓亦如是出於種種妙音聲覺悟一切諸羣生令其悉證菩提果自在天王有寶女口中善奏諸音樂一聲能出百千音一一音中復百千善逝音聲亦如是一聲而出一切音隨其性欲有差別各令聞已斷煩惱。

譬如梵王吐一音。能令梵衆皆歡喜。音唯及梵不出外。一一皆言已獨聞。

十力梵王亦復然演一言音充法界。唯霑衆會不遠出以無信故未能受。

譬如衆水同一性。八功德味無差別。因地在器各不同。是故令其種種異。

一切智音亦如是。法性一味無分別。隨諸衆生行不同。故使聽聞種種異。

譬如無熱大龍王。降雨普洽闇浮地。能令草樹皆生長。而不從身及心出。

諸佛妙音亦如是。普雨法界悉充洽。能令生善滅諸惡。不從內外而得有。

譬如摩那斯龍王。興雲七日未先雨。待諸衆生作務竟。然後始降成利益。

十力演義亦如是。先化衆生使成熟。然後爲說甚深法。令其聞者不驚怖。

大莊嚴龍於海中。霆於十種莊嚴雨。或百或千百千種。水雖一味莊嚴別。

究竟辯才亦如是。說十二十諸法門。或百或千至無量。不生心念有殊別。

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39

撰述

聖嚴正錄卷三

三

最勝龍王娑竭羅。興雲普覆四天下。於一切處雨各別。而彼龍心無一念。

諸佛法王亦如是。大悲身雲徧十方。爲諸修行雨各異。而於一切無分別。

佛子。諸菩薩摩訶薩。應云。何知如來應正等覺心。佛子。如來心意識俱不可得。但應以智無量故。知如來心。

疏第四出現意業。先身次語後意。義次第故。長行中一。先徵起後正釋。釋中二。初約法總辨。二寄喻別顯。三總結勸知。今初言如來心意識俱不可得者。約體遮詮也。但應以智無量故。知如來心者。寄用表詮。鈔約體遮下。釋此疏文有三。初總釋文意。就心則是王就。王辨體智。則是所約所明。用體則表詮不逮。故但遮詮。用則相可昭著。故寄表詮。然用亦有遮詮。同體故。無分量故。若一向遮。則無由顯妙。故寄表詮以辨玄極。而言寄者。謂寄所顯王。寄用顯體。又用及心所。皆有遮義。今但寄表。以顯於深。

疏然此一文。古有多說。一云識等有二。一染。一淨。佛地無彼有漏染心心所。而有淨分心及心所。果

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

位之中。智強識劣。故於王上以顯染無約彼智所
以明無量。若必無王所依何立。故成唯識第一引
如來功德莊嚴經云。如來無垢識是淨無漏界。解
脫一切障。圓鏡智相應。則有王明矣。言轉識者。智
依識轉。非轉識體。鈔佛地無彼者。唯有八識心
王及二十一心所。卽徧行五別境五善十一也。果
位之中下解妨。有徵問云。若爾則王所俱有。何以
王上言不可得。故此釋云。果位之中。識劣故云不
可得。智強故云智無量。言識劣者。以二分中。但有
淨故。不同衆生分別強故。言智強者。無惡慧故。決
斷勝故。若必無王下。第三反以成立智是心所。若
無心王智。何所依。故成唯識下。第四引證言。是淨
無漏界者。漏卽垢染。既言無垢識。則有識矣。又云
圓鏡智相應。明有心王與所相應。非所獨立。是故
結云。有王明矣。言轉識下。第五重通妨難。謂有難
言。既言轉八識成四智。明知唯智無識。故今釋云。
智依識轉等。言依識轉者。識爲王故。智非王故。然
唯識轉有三師義。今並用之。此是一師。上智強識
劣。亦是一師。

疏一云。以無積集思量等義。故說心等叵得。就無

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1

撰述

卷五十一

三

分別智以顯無量。非無心體。故攝論第八云。無分別智所依。非心非思義。故亦非非心爲所依止。心種類。故以心爲因。數習勢力。引得此位。名心種類。上之二解。俱明心意識有。鈔一云。無積集下。此有三義。初。正明。以集起名心。思量名意。分別名識。今果位中。八不積集種子。而起現行。七不思量。第八爲我。而言等者。等取前六。又不分別諸境。所以爾者。以皆與四智相應。故言無耳。非不有彼無集。第八無思。第七無分別。六是故結云。非無心體。故攝論下。第二引證。非心非思義。故者。明八非積。

集七非思量等。亦非非心下。第三遮救。恐有難云。若非心義。無分別智。應依於色。故今顯云。所依之王。非全無體。此上總標有也。次心種類下。釋成有義。謂是心種類。安得非心。以心爲因下。復釋上文。心爲種類。言此位者。卽是果位。謂以集起等。心爲因。引得果位淨八識。故不可名爲非心也。如無表色。依表色生。故得名色。據此亦得名無集起心等。上之二解下。第二結。前生後明。結前二是法相宗。生後一解。是法性宗問。俱是有。復有何別。答前釋。有淨無染。後釋有體無用。故不同也。然二義相

成以無思等。故說無染以無染故說非積集思量義等。

疏一云佛果實無心意意識及餘心法云不可得。唯有大智故言智無量故知如來心故金光明經及梁攝論皆云唯如如及如如智獨存佛地論中五法攝大覺性唯一真法界及四智菩提不言更有餘法。鈔一云下卽第三師是無相宗及法性宗先正明可知故金光下第二引證論當第三論云此中自性身者卽法身也釋論云惟有真如及真如智獨存名爲法身。

疏上之二宗偏取皆妨若依前有未免增益亦不能通不可得言又此淨分此何不說彼無垢識而得說耶經何不言染不可得若依後義未免損減亦不能通知佛心言既云以智無量知如來心不言無心可知明非無心矣又心既是無智何獨立非唯違上二論亦違涅槃滅無常識獲常識義若二義雙取未免相違若互泯雙非寧逃戲論鈔若依前下初奪破先明違義以不得卽有卽空故成增益後亦不能下明違於文以文但云心意識俱不可得不言染不可得故又此淨下第二縱破

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

縱許淨有染無經何不言有淨分也。彼無垢下。第三遮救。二句疏文遮其兩救。上句恐彼救云淨相難說。故不言之。故今遮云。彼莊嚴經何得說有無漏識耶。豈非是淨。下句恐彼救云經言匠得意在於染。故亦遮云。經何不言染不可得。若依後義下。二明法性宗妨於中有一光明違義以空凝有。故云損減亦不能通下。二明其違文文中既言智無量故知如來心不言知如來智。明知假智知心。心則有矣。何得言無。又心既是無下。第二縱破。縱汝心無智有亦有一過。一違義。心王最勝尚說爲無當故。

疏若爾。何以指南。今釋此義。先會前一宗。後消經

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

意今初若後宗言唯如智者。以心卽同真性。故曰。唯如照用不失。故曰如智。豈離心外而智別有。如是則唯如不乖於有。前宗以純如之體。故有淨心。心既是如有之何失。是知卽真之有。與卽有之真。二義相成。有無無礙。鈔今初文下。初別會二宗。卽分爲二。先會法性宗。意云。心卽是如。智卽如智。離心無如。則知有如已有心矣。况卽體之用。故稱如智。卽用之體。卽是真如。如一明珠。珠體卽如。明卽如智。豈得存如。亡於心矣。前宗以純如下會法相宗。意云。卽如之有。有豈乖如。如鏡卽靈。則有心矣。

疏後消經意者。言不可得者。以心義深玄。言不及故。寄遮顯深言。但以智知如來心者。託以心所寄表顯深。故晉經云。但知如來智無量故。知心無量。鈔後消經下。一釋經文於中有三。初畧明卽雙標遮表。故晉經下。二引證。雙證遮表。既言知心無量。則有心矣。言無最失。

疏云。何深玄。欲言其有。同如絕相。欲言其無。幽靈

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

不竭。欲言其染。萬累斯亡。欲言其淨。不斷性惡。欲言其一。包含無外。欲言其異。一味難分。欲謂有情。無殊色性。欲謂無情。無幽不徹。口欲辨而辭喪。心將緣而慮亡。亦猶果分不可說故。是知佛心。卽有卽無。卽事卽理。卽王卽數。卽一卽多。心中非有意。亦非不有意。意中非有心。亦非不有心。王中非有數。亦非不有數。數非依於王。亦非不依王。一一皆爾。圓融無礙。則令上諸義各隨一理。不爽玄宗。鈔云。何深下。初明偏語。不能盡理。畧有四對。一有無者。卽別對二宗。事卽理。故非有理。不失事故。非

無二染淨對。卽法相宗。淨約絕相。染約契性。言不斷性惡者。善惡同以心性爲性。若斷性惡。則斷心性。性不可斷。亦猶闡提不斷性善。三一異對。通對二宗。卽體之相能包。卽相之體一味。四情非情對。亦對二宗。卽用之體同色。卽體之用徹幽。言無殊色性者。卽起信論云。以知色性卽智性故。說名智身。以知智性卽色相故。說名法身。徧一切處。又梵行品云。知一切法。卽心自性。故情非情性。曾何異體。是知佛心下。三總具性相。不可別彰。皆雙融前二宗之法。心中非有意下。四明不卽不離。故難顯。

說言非有者。是不卽義。二相別故。亦非不有。是不離義。無二體故。又非有者。以無二體。互攝盡故。亦非不有者。二相不壞。力用交徹故。

疏言寄表顯深者。旣心不可以智知。且託智以稱歎。智是心所。尚以十喻明玄。則所依之心。玄又玄矣。故十喻之末。皆結爲心之相。

疏然佛尚不說。凡何敢思。有因緣故。輒憑教理。以示玄宗。望無咎其繁而不要也。鈔然佛尚不說。下第四謙退結成。佛尚不說者。卽此經云。心意識皆不可得。是不說也。釋迦掩室於摩竭淨名杜口。

於毘耶。皆佛不說也。果海離言。唯證相應。皆不可說。有因緣故者。卽四悉檀因緣。則得無說之說耳。譬如虛空爲一切物所依。而虛空無所依。如來智慧亦復如是。爲一切世間出世間智所依。而如來智無所依。佛子。是爲如來心第一相。諸菩薩摩訶薩應如是知。

疏第二譬如下。寄喻別顯。舉十大喻。以喻如來十種大智。十智體用。非一非異。亦文各有二。謂喻合結。今初虛空無依爲依喻。喻佛無依成事智。合中謂諸乘之智。依佛智生。如十地云。此十地智。皆因

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

佛智而有差別。離佛智外無所依學。而佛智果満更不依他。豈不依心及依理耶。豈不向言王所無二耶。良以佛智照極。無有智外如爲智所依故。智體全如。若有所依。不名如智。鈔豈不依心者。次設難也。依心約法相宗。依理約法性宗。良以佛智下。釋依理義於中有四。初正釋。卽迴向經云。無有智外如爲智所入。亦無如外智能證於如。今但通上。豈不依理難。故但引前句。謂彼難云。上言唯如如及如如智獨存。則智依如矣。何言無依。故今釋云。智外無如故。無所依然。彼迴向經文。自有三意。

一約如體性空。故智外無如。智體性空。故如外無智。二如智一味。同一真體。安得智外更有如耶。二約事事無礙。舉一全收。今但用前二意。以酬難竟後意。卽第四舉況之中。

疏亦猶淨名云。法隨於如。無所隨故。鈔亦猶淨名者。一引例也。卽目連章。彼約性相相對。此約如智相對。義非全同。義勢相似。故云引例。言法隨於如者。法卽一切。一切法卽如。故云隨如。言無所隨故者。經自釋隨如之義。由法卽如。法外無如。故云無所隨故。若有所隨。能所未泯。豈得隨如。又法外

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷五

有如法非如矣故無所隨方曰隨如此中亦爾。若有所依智外有法能所未亡不名如智如外有智智亦不如故得引例。

疏文殊般若云若無境界則無所依。鈔文殊般若者三引證也。文義全同故得引證即大般若曼殊室利分光明覺品已引今當更引經云若知我性卽知無法。若知無法卽無境界。若無境界卽無所依。若無所依卽無所在。釋曰今但要無依之言故但引一對。

疏况佛智外無法可得以一切法卽佛智故。鈔

况佛智外下第四舉况謂上引二經但明契理無依心境雙寂卽理事無礙之義已通前難况今約事事無礙舉一全收卽迴向中第三意也。佛智稱真收法界盡差別之事皆隨於理在佛智中况所證如寧在智外此約相入門下句云以一切法卽佛智故者釋上無法可得約相卽門佛智卽一切一切卽佛智也。

復次佛子譬如法界常出一切聲聞獨覺菩薩解脫而法界無增減如來智慧亦復如是恒出一切世間出世間種種智慧而如來智無增減佛子是爲如來

心第二相。諸菩薩摩訶薩應如是知。

疏第二法界湛然喻。喻佛體無增減智。卽轉釋前依。依者。依此出故。雖出諸智。亦不減少。菩薩解脫成佛智時。亦不增足以同體均故。如上海中板喻。鈔卽轉釋者。謂疏意明初喻爲總。舍下九喻。故下喻中。節節指初。今以第一喻云。虛空爲一切法所依。喻佛智爲一切世出世智所依。故今釋之云。得爲依。依彼出故。雖出諸智者。如山出雲。山亦不減。菩薩下。如谷納雲。谷亦不增。海中板喻。卽十行品。

復次佛子。譬如大海。其水潛流四天下地。及八千億諸小洲中。有穿鑿者。無不得水。而彼大海。不作分別。我出於水。佛智海水。亦復如是。流入一切衆生心中。若諸衆生觀察境界。修習法門。則得智慧。清淨明了。而如來智。平等無一。無有分別。但隨衆生心行異故。所得智慧。各各不同。佛子。是爲如來心第二相。諸菩薩摩訶薩應如是知。

疏第三大海潛益喻。喻佛體均益生智。卽雙釋前依及出生義。謂與衆生心同體故。義曰。潛流穿鑿。自心得智慧時。即是見他佛智。是曰依之出生。又

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷三

三

音

由體同令外佛加持資其念力亦是流入。復次佛子譬如大海有四寶珠具無量德能生海內一切珍寶若大海中無此寶珠乃至一寶亦不可得。何等爲四一名積集寶二名無盡藏三名遠離熾然四名具足莊嚴佛子此四寶珠一切凡夫諸龍神等悉不得見何以故娑竭龍王以此寶珠端嚴方正置於宮中深密處故。

疏第四大寶出生喻。喻佛用興體密智。釋上能生以何義故而能生耶。具四寶故。喻中有三。初總明出處體用次徵列寶名後結其深勝合三同喻。

佛子如來應正等覺大智慧海亦復如是於中有四大智寶珠具足無量福智功德由此能生一切衆生聲聞獨覺學無學位及諸菩薩智慧之寶何等爲四所謂無染著巧方便大智慧寶善分別有爲無爲法大智慧寶分別說無量法而不壞法性大智慧寶知時非時未曾誤失大智慧寶。

疏列名中衍英諸公皆云初證道智斷惑障。二助道智斷智障。三不住道智捨於報障。上三自利。四利益衆生智。卽利他行此釋亦無大過果地具此三道能令學者入菩薩地故今更一解若直就文

文自明顯。今以法相收之。卽四智菩提。鈔此釋下總明。果地具此三道。下爲其通釋。恐有難云。助等是因。何將釋果。故爲此通。

疏一大圓鏡智。以離諸分別。名無染著。所緣行相。微細難知。不忘不愚。一切境相。名巧方便。鈔一大下二別辨。然取唯識論以爲疏文。心無染著。巧方便智寶爲大圓鏡智。論云。一大圓鏡智。相應心品。謂此心品離諸分別。所緣行相。微細難知。不妄不愚。一切境相。性相清淨。離諸雜染。純淨圓德。現種依持。能現能生。身土智影。無間無斷。窮未來際。如大圓鏡現衆色像。釋曰。觀上論文。自分主客。但云不忘者。常現前故。不愚者。不迷闇故。餘義可知。○疏二。卽平等性智。觀一切法。若爲無爲。自他平等。名善分別。鈔論云。二平等性智相應心品。謂此心品觀一切法。自他有情。皆悉平等。大慈悲等。恒共相應。隨諸有情所樂。示現受用。身土影像差別。妙觀察智。不共所依。無住涅槃之所建立。一味相續窮未來際。釋曰。由昔因中。執有我故。自他不等。今由我無故。皆平等。言一味者。一無漏味。餘義可知。由涅槃故。此識恒共悲智俱行。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷五

三

疏三卽妙觀察智。此智善觀諸法。自相共相。無礙而轉。故說無量法。而不壞法性。無量法者。卽攝觀無量總持定門等。而言說者。兩大法雨。斷一切疑惑。故。鈔論云。三卽妙觀察智。相應心品。謂此心品。觀察諸法。自共相。無礙而轉。攝觀無量總持定門。及所發生功德珍寶。於大衆會能現。無邊作因差別。皆得自在。雨大法雨。斷一切疑。令諸有情。皆獲利樂。釋曰。攝謂攝藏。觀謂觀察。功德珍寶。卽六度道品等。

疏四節成所作智。知機知時。作所應作故。鈔論

云。四成所作智。相應心品。謂此心品爲欲利樂。諸有情故。普於十方示現。種種變化三業。成本願力。所應作事。釋曰。四智廣義。初會已明。今以疏有。故復重引。令知王客。

若諸如來大智海中。無此四寶。有一衆生得入大乘。終無是處。此四智寶。薄福衆生所不能見。何以故。置於如來深密藏故。

疏三。若諸如來下。合前深勝。於中先明用勝體深。此中用勝喻在總中。此中體深同法華譬中明珠。不妄與人。然約下智不及。故稱密藏。不全同喻。故

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

涅槃中明有密語而無密藏。鈔同法華下。七喻
之中此當第六。如安樂行品明。一乘圓智。居佛心
頂。以權覆實。如在髻中。開權爲解。前亦已引。然約
下者。釋上密義。故法華云。我以無數方便種種因
緣譬喻言辭演說諸法。是法非思量分別之所能
解。唯有諸佛乃能知之所以者何。諸佛世尊。唯以
一大事因緣故出現於世。釋曰。種種說法。皆爲一
乘衆生不知。故云秘密。故涅槃下引證亦如前引。
此四智寶。平均正直。端潔妙好。普能利益諸菩薩衆。
令其悉得智慧光明。佛子。是爲如來心第四相。諸菩

薩摩訶薩應如是知。

疏後此四智寶。平均下。明體勝用深。平均正直。卽
平等性智。大慈悲等。共相應故。故曰平均。一味相
續。名爲正直。一端潔。卽大圓鏡智。端者純淨圓德。
現種依持故。潔者性相清淨。離諸雜染故。三妙好。
卽妙觀察智。四普能利益。卽成所作智。此約別配。
今以四智圓融。故四德亦該四寶。况四智乃十中
之一。則永異餘宗。鈔純淨圓德者。純卽無雜淨。
卽離染圓者滿義。現行功德之依種子功德之持。
自性明善。名爲清淨。有漏永亡。云離諸雜染餘如

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

前釋今以四智下一二解妨妨云何以將法相宗釋法性義故爲此通謂彼四智迢然不同今一具四豈得同耶先將四寶以况四智此卽別義於一寶上復具四德卽圓融義况四圓融十中之一豈得言同欲顯包融故用之釋。

信士姚昌遠捐資五兩六錢四分刻此一卷
伏願

先大母范氏先考玄澤公早生淨土

大方廣佛華嚴經疏鈔卷五十一之一

終

大方廣佛華嚴經疏鈔卷五十一之二

于闐國三藏沙門實叉難陀譯

清涼山大華嚴寺沙門澄觀撰述

復次佛子譬如大海有四熾然光明大寶布在其底性極猛熱常能飲縮百川所注無量大水是故大海無有增減何等爲四一名日藏二名離潤三名火焰光四名盡無餘佛子若大海中無此四寶從四天下乃至有頂其中所有悉被漂沒佛子此日藏大寶光明照觸海水悉變爲乳離潤大寶光明照觸其乳悉變爲酪火燄光大寶光明照觸其酪悉變爲酥盡無

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

餘大寶光明照觸。其酥變成醍醐。如火熾然。悉盡無餘。

疏第五珠消海水喻。喻佛滅惑成德智。由有前智。無智不生。由有此智。無惑不斷。又前則橫具四智。此則豎具四智。皆是釋前爲依之義。喻中二。先總明體用。後佛子此日藏下。別顯用相。此爲極教了說。而起世婆沙等說阿毘地獄在下。火氣上吞銷鑠海水。蓋是少分方便之說。而俗典云。以沃焦石消海水者。或測度而知。或見寶不辨。謂之石耳。又云注尾廬壑者。但見其消以名之耳。鈔第五珠

消海水喻。躡前以釋疏文中分一。先明智斷不同後。又前下。橫豎分別。一佛果中具有四智。名橫菩薩。歷位具於四智。名豎。言皆是下。卽虛空無依。爲依喻中之一義也。而起世下。起世卽經。婆沙卽論。皆同俱舍。俱舍云。此下過二萬。無間深廣同。上七捺落迦。八增皆十六。而俗典者。山海經說。又云注下。亦如彼說。莊子秋水篇亦明。已見廻向品。

佛子。如來應正等覺大智慧海。亦復如是。有四種大智慧寶。具足無量威德光明。此智寶光觸諸菩薩。乃至令得如來大智。何等爲四。所謂滅一切散善波浪。

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

大智慧寶除一切法處大智慧寶。慧光普照大智慧寶與如來平等無邊無功用大智慧寶。

疏合中亦二先合總明體用。

佛子諸菩薩修集一切助道法時起無量散善波浪一切世間天人阿修羅所不能壞。如來以滅一切散善波浪大智慧寶光明觸彼菩薩令捨一切散善波浪持心一境住於三昧又以除一切法處大智慧寶光明觸彼菩薩令捨離三昧味著起廣大神通又以慧光普照大智慧寶光明觸彼菩薩令捨所起廣大神通住大明功用行又以與如來平等無邊無功用

大智慧寶光明觸彼菩薩令捨所起大明功用行乃至得如來平等地息一切功用令無有餘佛子若無如來此四智寶大光照觸乃至有一菩薩得如來地無有是處佛子是爲如來心第五相諸菩薩摩訶薩應如是知。

疏後佛子諸菩薩修集下合別顯用相然此四智古德有配四三昧初是大乘光明三昧寶二是集福德王三是賢護四是首楞嚴此釋配定可爾按次乖理以第三名智光普照故若將初爲三以三爲初乃順文理鈔別顯用相下疏文分三初敘

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

昔有三師釋。卽靈辨法師。此三昧名。卽唯識第九論云。一大乘光明定。謂此能發照了大乘理教。行果智光明故。二集福王定。謂此自在集無邊福。如王勢力無等雙故。三賢守定。謂此能守世出世間。賢善法故。四健行_{平呼}定。謂佛菩薩大健有情之所行故。攝論第八意亦同此。首楞嚴者。是梁論名。卽健行義。然是梵言。此云一切事畢竟。又英法師云。初定空智。除不善障。二除著_禪障。三除煩惱障。四除所知障。賢首云。初能除流散雜染業。二能除味定著靜障。三能除根本無明障。四能除盡成果。

智障與前大同

疏今更一解。標_廿所成。卽是四定。約能成智。應別立名。又將暨配諸位。尤異昔解。謂一。佛以卽事而真智。治於地前。成初四地。令得賢守定。以此三昧能守世出世間。賢善法故。前三地爲世。四地爲出世。旣了卽事而真。則卽散而定。一以卽體之用智。治四地未能起用。令得五地入俗成集福德王定。三以平等無相智。治五地雖能隨俗。未得平等。令得六七地。般若大光功用後邊成光明定。四以平等無功用智。治七地功用。令入八地。乃至佛果。得

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

首楞嚴定所作究竟故。果既具四因亦通修。且約相顯爲此暨配不可偏局。鈔今更一解下三申正義於中有二先總所成卽是四定者。如唯識論定爲能發智爲所發四智卽是所成。今明佛具四智令諸菩薩能具四定故智爲能成定爲所成。暨配之相下別當具謂一佛以下第二別釋。一一智中文皆有三初舉能成智。二治於下治所破病。三令得下顯所成德。

復次佛子。如從水際上至非想非非想天。其中所有大千國土。欲色無色衆生之處。莫不皆依虛空而起虛空而住。何以故。虛空普徧故。雖彼虛空普容三界而無分別。佛子。如來智慧亦復如是。若聲聞智。若獨覺智。若菩薩智。若有爲行智。若無爲行智。一切皆依如來智起。如來智住。何以故。如來智慧徧一切故。雖復普容無量智。而無分別。佛子。是爲如來心第六相。諸菩薩摩訶薩應如是知。

疏第六虛空本受喻。喻佛依持無礙智。亦釋前依義。上但云依。猶通外依他力。今明體徧普容。是則五乘等智。皆是如來大智中物。肇公亦云。夫聖人虛心冥照。理無不統。懷六合於胷中。而靈鑒有餘。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

卷之二

三

鏡萬有於方寸。其神常虛。卽斯義也。鈔肇公亦云下。卽涅槃無名論第七妙存中文云。然則玄道在乎妙悟。妙悟在於卽真。卽真則有無齊觀。有無齊觀。則彼已莫一。所以天地與我同根。萬物與我一體。同我則非復有無。異我則乖於會通。所以不出不在。而道存乎其間矣。何則。夫至人虛心冥照。理無不統。懷六合於胷中。而靈鑑有餘。鏡萬有於方寸。而其神常虛等。今但引兩對。足顯經意。

復次佛子。如雪山頂有藥王樹。名無盡根。彼藥樹根從十六萬八千由旬下盡。金剛地水輪際生。彼藥王

樹若生根時。令閻浮提一切樹根生。若生莖時。令閻浮提一切樹莖生。枝葉華果悉皆如是。此藥王樹。根能生莖。莖能生根。根無有盡。名無盡根。佛子。彼藥王樹於一切處皆令生長。唯於一處不能爲作生長利益。所謂地獄深坑及水輪中。然亦於彼初無厭捨。

疏第七藥王生長喻。喻佛窮劫利樂智。喻中四初顯體用。一。彼藥樹根下別顯用相。二。此藥王下得名所由。四。佛子下揀其非處。先揀後收。收者亦不厭。故晉經云。不捨生性。

佛子。如來智慧大藥王樹。亦復如是以過去所發成

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

就一切智慧善法。普覆一切諸衆生界。除滅一切諸惡道苦。廣大悲願而爲其根。於一切如來真實智慧種性中生。堅固不動善巧方便以爲其莖。徧法界智諸波羅蜜以爲其枝。禪定解脫諸大三昧以爲其葉。總持辨才菩提分法以爲其華。究竟無變諸佛解脫以爲其果。

疏合亦四段。而文不次。初合總顯體用有六。一以悲願菩提合根。此爲諸佛之本。深難拔故。文有四弘。二依實智所生方便爲莖。能幹事故。菩提體故。三依前二智分爲諸度。旁陰爲枝。四戒定息熟別合別顯用相中。有淨戒頭陀。

佛子。如來智慧大藥王樹。何故得名爲無盡根。以究竟無休息故。不斷菩薩行故。菩薩行卽如來性。如來性卽菩薩行。是故得名爲無盡根。

疏一一佛子。越次合得名所由。窮未來際。故云究竟無休。得果不捨因。故云不斷菩薩行。由此故得因果交徹。展轉相生。

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

圭肩疏金卷之一

佛子。如來智慧大藥王樹。其根生時。令一切菩薩生不捨衆生。大慈悲根。其莖生時。令一切菩薩增長堅固精進深心莖。其枝生時。令一切菩薩增長一切諸波羅蜜枝。其葉生時。令一切菩薩生長淨戒頭陀功德。少欲知足葉。其華生時。令一切菩薩具諸善根相好莊嚴華。其果生時。令一切菩薩得無生忍乃至一切佛灌頂忍果。

疏三一佛子却合前別顯用相。深心樂修善行。卽前方便淨戒亦能息熱。相好如華爲嚴。文多影畧者爲分能所成故。鈔文多影畧者能成卽如來悲等所成卽菩薩悲等。如在佛爲方便。在菩薩爲深心。在佛禪定爲葉。在菩薩淨戒頭陀爲葉。在佛卽是菩提爲果。在菩薩卽無生忍等。

佛子。如來智慧大藥王樹。唯於一處不能爲作生長利益。所謂二乘墮於無爲廣大深坑。及壞善根非器衆生。溺大邪見貪愛之水。然亦於彼曾無厭捨。佛子。如來智慧無有增減。以根善安住。生無休息。故佛子。是爲如來心第七相。諸菩薩摩訶薩應如是知。

疏四一佛子合揀非器。亦先揀後收。無爲正位。一墮難出。故喻深坑。又無悲水。取灰斷故。如彼地獄。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

邪見撥無。貪愛浸爛。皆喻於水。不容善根。又闕土
緣。非生處故。後收言無厭捨者。上據現惡闕緣。令
長生厭怖。直進一乘。故除二處。而同有佛性。久久當
成。故不厭捨。是知現惡明無。則無惡必有。鈔是
知現惡等者。卽生公意。生公忍死。待得大經以證
大義。如何至今猶不信耶。廣如玄中。今當重釋。言
現惡明無者。正作闡提。撥無因果故。無惡必有者。
由撥無因果之惡故無。今無此惡。是則有矣。故應
問言。頗有新作一闡提不。復有闡提後生信不。若
有新作。未作之時有佛性不。若未作時有。作時無

者。佛性可斷。若先無者。則不由於闡提無也。本自
無故。後生信心亦復如是。若有佛性。佛性是可生
之法。前則本有今無。此則本無今有。若發信心亦
無性者。此亦不干闡提故。無故知。但是約於長時
未成果善。抑言無耳。謂抑令恐怖使發大心。未作
闡提。令其莫作。故皆誘物。何定言無。

疏故涅槃云。一闡提人雖復斷善。猶有佛性。若能
發心。非闡提也。法華云。決了聲聞法。餘諸聲聞衆
亦當復如是結云。根善安住者。常住大悲故。鈔
故涅槃下引證此引二經。先引涅槃。自有二文。唯

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

證闡提有性成上不捨邪見水輪初意卽第九經玄中已引今復畧明經云彼一闡提雖有佛性而爲無量罪垢所纏不能得見如蠶處繭則有而非無三十五經云斷善根人以現在世煩惱因緣能斷善根未來佛性力因緣故還生善根亦其文也若能發心者卽二十六經高貴德王菩薩品經云善男子一闡提輩若遇善友諸佛菩薩聞說深法及以不遇俱不得離一闡提心何以故斷善根故一闡提輩亦得阿耨多羅三藐三菩提所以者何若能發於菩提之心則不名爲一闡提也法華云

下二引法華亦有二文以證定性二乘皆成佛義一卽法師品藥王汝當知如是諸人等不聞法華經去佛智甚遠若聞是深經決了聲聞法是諸經之王聞已諦思惟當知此人等近於佛智慧釋曰旣言決了聲聞法明昔淨名等經聲聞如根敗之士其於五欲不能復利及如燋穀芽佛名經說如燋穀芽雖逢春陽無希秋實及深密等說於定性不得成佛二乘聖人心皆猶豫今皆作佛故云決了第一經云菩薩聞是法疑網皆已除千二百羅漢悉亦當作佛故云決了復恐人云千二百外定

19 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

性聲聞卽不作佛。故引次文卽五百弟子授記品初千二百人悉皆求記。如來先授陳如作佛。次授五百末後偈云其五百比丘次第當作佛。同號曰普明。轉次而授記。我滅度之後某甲當作佛。其所化世間亦如我今日國土之嚴淨。及諸神通力菩薩聲聞衆正法及像法壽命劫多少皆如上所說迦葉汝已知。五百自在者餘諸聲聞衆亦當復如是其不在此會。汝當爲宣說釋曰據此非唯列千二百。則靈山之會萬一千人五千拂席增上慢者應是聲聞不廁靈山法華勝會者令此會中聲聞

菩薩轉爲授記餘如玄中。

疏有引向所揀證無佛性及定性義不觀次後不捨之言。况第十喻平等共有減損佛性恐毀謗一乘願諸後學當誠慎之無滯權說。鈔有引向來下卽舉邪顯正謂法相師以水輪中證有無性地獄深坑證有定性趣寂二乘不觀已下破其妄引疏有三節初指經中却收之義一引第十等有喻意三減損下以理結勸謂唐三藏創自西廻薦福寺有一人大德不肯修敬後因見曰三藏遠涉流沙廣取經論誠曰劬勞然減損佛性增足煩惱未

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

知與聖意相應不。言減損佛性者。以五性之中。唯
一性半有佛性耳。謂菩薩性及不定性之半。以不
定性容有無故。餘三性半一向言無。謂一無種性。
人二定性聲聞。三定性緣覺。言一半者。即不定性
中或無是也。恐謗一乘者。以罪怖之。然法華經特
稱妙者。以佛昔說三乘五性。今法華云一乘一性。
謂一切衆生有如來知見。更無餘性。故唯一乘涅
槃亦云。佛性者名爲一乘。以凡是有心定當作佛。
故唯一乘。法華又云。唯此一事實。餘二則非真。終
不以小乘濟度於衆生。又第四云。平等大慧。彼疏

自立一乘爲宗。而其立義。定有五性。却以一乘而
爲方便。此豈不是謗一乘耶。謗一乘罪。法華具明。
事不可輕。如增上慢。不信不輕。皆作佛言。即爲謗
耳。

復次佛子。譬如三千大千世界劫火起時。焚燒一切
草木叢林。乃至鐵圍大鐵圍山。皆悉熾然無有遺餘。
佛子。假使有人手執乾草。投彼火中。於意云何。得不
燒不。答言不也。佛子。彼所投草。容可不燒。如來智慧。
分別三世一切衆生。一切國土。一切劫數。一切諸法。
無不知者。若言不知。無有是處。何以故。智慧平等。悉

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

明達故佛子。是爲如來心第八相。諸菩薩摩訶薩應。如是知。

疏第八劫火燒盡喻。喻佛智無不盡知。由此佛智。更無所依。

復次佛子。譬如風災壞世界時。有大風起。名曰散壞能壞三千大千世界。鐵圍山等皆成碎末。復有大風名爲能障。周匝三千大千世界。障散壞風不令得至餘方世界。佛子。若令無此能障大風。十方世界無不壞盡。如來應正等覺亦復如是。有大智風。名爲能滅。能滅一切諸大菩薩煩惱習氣。有大智風。名爲巧持。

巧持其根未熟菩薩。不令能滅大智風輪。斷其一切煩惱習氣。佛子。若無如來巧持智風無量菩薩皆墮聲聞辟支佛地。由此智故。令諸菩薩超二乘地。安住如來究竟之位。佛子。是爲如來心第九相。諸菩薩摩訶薩應如是知。

疏第九劫風持壞喻。喻佛巧令留惑智。非但能斷亦復能留。謂佛有斯巧。授與根未熟未具萬行菩薩。令留潤生之惑。由此留惑。惑方至盡。得一切智。不同二乘不爲菩提心。期速出廣明留惑潤生。具如別章。鈔廣明留惑者。卽義理分齊。別有一門。

復次佛子。如來智慧無處不至。何以故。無一衆生而不具有如來智慧。

撰述

華嚴疏金卷之二

二三

高

疏第十塵含經卷喻。喻佛性通平等智文中四。謂法喻合結。今初所以知佛智徧者。無一衆生不有本覺。與佛體無殊故。以上言潛流。則似佛智徧他衆生。今顯衆生自有。故云徧耳。此有三意。一明無一衆生不有。則知無性者。非衆生數。謂草木等已過五性之見。鈔則知無性下。反成上義。卽涅槃經云。除牆壁瓦石。皆有佛性。故無佛性。則非衆生。凡是有心。定當作佛。則無一不有。以一切人皆

有心故。卽知言無佛性者。則無心也。無心寧異瓦礫。此是涅槃一性之宗。故云已過五性。

疏二者。衆生在纏之因。已具出纏之果法。故云有如來智慧。非但有性。後方當成。亦非理先智後。是知涅槃對昔方便。且說有性。後學尚謂談有藏無。况聞等有果智。誰當信者。鈔二者。衆生下。一明因有果智。據勝初義。但有佛性。於中有三。初正立中。謂遠公等釋涅槃經言。因性本有。果性當成。今因有佛智。佛智非因。故超前也。所以有者。因果二性無二體故。若因無果性。果是新生。便有始故。新

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷之二

正

喜

生有始。佛性非常住故。非但有性者。第二正揀前
義於中有二。一揀因果不同。謂前義意。如木有火
性。鑽方生火。乳有酪性。緣具成酪。今此中意。果尚
本有。況於因性。况當有耶。亦非理先者。二揀理智。
兩別。若唯理性爲先有者。則第一義空不名智慧。
理智異故。無漏智性。本自有之。不應理故。大智光
明。非本有故。智後生者。果無常故。能證所證成。二
體。故是知涅槃下。第三結會勸信。謂涅槃終極。會
昔有餘四十九年。多說三乘五性之教。機習已久。
難可頓移。且說有心皆有佛性。一經前後縱奪合

離而其明言。凡是有心定當。佛後學尚謂者。卽
大乘法師法華疏意。彼云涅槃經言。一切衆生皆
有佛性。總談皆有。欲獎衆生。實而明之。亦有無者。
藏在一切總有之中。言通別類異者。通相皆有。別
據有無無有不同。不應一類。况聞衆生者。卽具今
宗。結成難信。勸令信耳。

疏三。彼因中之果智。卽他佛之果智。以圓教宗。自
他因果無二體故。不爾。此說衆生有果。何名說佛
智耶。斯則玄又玄矣。非華嚴宗無有斯理。鈔三
彼因中下。第三自他交徹。謂諸凡夫因中果智。卽

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷之二

三

書

他諸佛已成果智。自身佛性。一身豎論。他佛在凡
自他橫辨。故更玄也。不爾此說下以理成立。自他
平等謂此章中。舉其十喻。以辨佛智。忽引衆生有
佛智者。何名爲說。諸佛心耶。明知是說。衆生心爲
佛矣。斯則玄下。結歎歸宗。

但以妄想顛倒執著而不證得。

疏次但以下釋疑。疑云。涅槃云。佛性者。名爲智慧。
有智慧時。則無煩惱。今得佛智。那作衆生。釋中先
順答前義。謂倒故不證。豈得言無。如壯士迷於額
珠。豈謂膚中無寶。鈔如壯士者。卽涅槃第八。如

來性品。北經第七。佛告迦葉。善男子。譬如王家。有
大力士。其人眉間有金剛珠。與餘力士。拘力相撲。
而彼力士。以頭抵觸其額上珠。尋沒膚中。都不覺。
知是珠所在。其處有瘡。卽命良醫。欲自療治。時有
明醫。善知方藥。卽知是瘡因珠入皮。卽便停住。是
時良醫尋問力士。汝額上珠爲何所在。力士驚答。
大師。醫王。我額上珠。乃無去耶。是珠今者。爲何所
在。將非幻化。憂愁啼哭。是時良醫慰喻力士。汝今
不應生大愁惱。汝因鬪時。瞋恚毒盛。珠陷入體。故
不自知。是時力士不信醫言。若在皮裏。膿血不淨。

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

何緣不出。若在筋裏。不應可見。汝今云何欺詐於我。時醫執鏡以照其面。珠在鏡中。明了顯現。力士見已。心懷驚怪。生奇特想。上具經文。下合文廣。以意引之。謂以良醫喻之善友。煩惱爲皮膚。佛性爲寶珠。不知爲失。惑盡乃得。證知了了。如彼力士於明鏡中見其寶珠。薦福解云。貧女金藏。通喻凡夫不知佛性。此喻菩薩二乘。觀心之首。隱其佛性。已發二乘心。名爲王家。以未入佛家故。有觀心力。名爲力士。中道佛性之珠。在其心間。與倒競力。觀於俗境。名爲相競。觀心取境。名頭抵觸。取相隱理。名

沒膚中。以相求理。不能得見。名不知所在。取相見空。名之爲瘡。訪友爲命醫。佛爲良醫。知佛性珠。取其空相。名知是瘡。因珠入體。定得之性。在上相內。名珠入皮。卽便停住。是時良醫下。問性所在。相覆真性。故力士不知所在。先因發心。將非虛說。名將非幻化。恐無性流轉。名憂愁啼哭。次佛慰云。言性不失。汝與妄競。性隱無我。名珠入體。在於皮裏。因本有理。有理性相。名影現於外。汝觀空等時。其心猛利。如瞋恚盛。由斯陷入。故不自知。此上有性。不見喻。二乘是時力士下。拒教不信。喻若在皮裏。曬

10 9 8 7 6 5 4 3 2 1

血等者。謂在凡身苦等相中。有漏不淨。性淨應出。何緣不見。若筋等者。苦是真理。真理無相。不應可見。汝今云何下。正明不信。是時良醫下。依教見性。喻珠在鏡中。明了顯現者。定得之性。唯大涅槃理。教能顯。如鏡照面。了了分明。力士見已者。衆生則聞見。十住則目見。餘可知也。

若離妄想。一切智。自然智。無礙智。則得現前。

疏後若離下。反以理成。謂若先無離倒。寧有既離倒則現。明本不無如。貧得珠。非今授與。是以涅槃恐不修行。故云言定有者。則爲執著。恐不信有。故

云若言定無。則爲妄語。乍可執著。不可妄語。自然智。自覺聖智也。無礙智者。始本無二。絕二礙也。鈔如貧得珠者。卽法華第四五百弟子授記品說。繫珠喻領解得記。經云。譬如有人至親友家。醉酒而卧。是時親友官事當行。以無價寶珠繫其衣裏。與之而去。其人醉卧。都不覺知。起已遊行。到於他國。爲衣食故。勤力求索。甚大艱難。若少有所得。便以爲足。於後親友會遇見之。而作是言。咄哉丈夫。何爲衣食。乃至如是。我昔欲令汝得安樂。五欲自恣。於某年月日。以無價寶珠繫汝衣裏。今故現在。

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

而汝不知勤苦憂惱。以求自活。甚爲癡也。汝今可
以此寶貿易所須。常可如意。無所乏短。下合可知。
然繫有二。一約結緣。則圓解爲珠。爲說爲繫。煩惱
昏醉。少有微解。故曰繫珠。五道求樂。爲勤力艱難。
證小涅槃。不求大果。云得少爲足。後聞法華。爲會
遇親友。示以知見。如得衣珠。以因易果。無樂不得。
昔已繫之。故云非今授與。二約天性。然其昔繫。亦
非新與。未知令知。故云繫耳。則不全同喻。今疏取
天性繫珠。以成本有。故云非今授與。是以涅槃下。
以涅槃經結成上義。執著過輕。乍可言有。妄語過

重不可言無。况無著而知。決須有矣。始本無二者。
此有二意。一則衆生本有佛智。是則本覺不礙。始
覺如是而證。名無礙智。二者斷障顯了。則無煩惱
所知二礙。

佛子。譬如。有大經卷量等三千大千世界。書寫三千
大千世界中事。一切皆盡。所謂書寫大鐵圍山中事。
量等大鐵圍山。書寫大地中事。量等大地。書寫中千
世界中事。量等中千世界。書寫小千世界中事。量等
小千世界。如是若四天下。若大海。若須彌山。若地天
宮殿。若欲界空居天宮殿。若色界宮殿。若無色界宮

卷之二十一

疏第二喻中二先明大經潛塵以喻上文妄纏佛

殿。一一書寫其量悉等此大經卷雖復量等大千世界而全住在一微塵中如一微塵一切微塵皆亦如是時有一人智慧明達具足成就清淨天眼見此經卷在微塵內於諸衆生無少利益卽作是念我當以精進力破彼微塵出此經卷令得饒益一切衆生作是念已卽起方便破彼微塵出此大經令諸衆生普得饒益如於一塵一切微塵應知悉然。

疏第二喻中二先明大經潛塵以喻上文妄纏佛智大經卷者佛智無涯性德圓滿也書各稱境者智如理故潛一塵者畧有三義一妄覆真故二小

舍大故三一具多故一切塵者無一衆生不具佛智故後時有一人下出經益物喻上離妄現前佛子如來智慧亦復如是無量無礙普能利益一切衆生具足在於衆生身中但諸凡愚妄想執著不知不覺不得利益爾時如來以無障礙清淨智眼普觀法界一切衆生而作是言奇哉奇哉此諸衆生云何令其永離妄想執著自於身中得見如來廣大智慧與佛無異卽教彼衆生修習聖道令離妄想離妄想已證得如來無量智慧利益安樂一切衆生佛子是

四庫全書

通鑑

三

卷之三

爲如來心第十相。諸菩薩摩訶薩應如是知。

疏第三合中亦一先合大經潛塵無量無礙。昔能利益。合上書寫多事。衆生身及妄想。俱合上塵。後爾時如來下。合出經益物。如來合上一人智眼合。上天眼。是知不信衆生等有佛智。智眼未開。復何可恠。然如來藏等經說有九喻。喻如來藏。謂如青蓮華。在泥水中。未出泥水人無貴者。又如貧女而懷聖胎。如大價寶垢衣所纏。如摩尼珠落在深廁。如真金像弊衣所覆。如菴羅樹華實未成。亦如稻米在糠櫬中。如金在鑄。如像在模。皆是塵中有佛身義與此大同也。鈔如來藏下二引例釋成言九喻者。如來藏經具有九喻。一二不同。餘經或有一二三四。多少不定。故致等言。言如來藏經者。即如來在王舍城耆闍崛山成佛十年。後方說之。與大比丘百千人。菩薩六十恒河沙。云云爾時世尊於栴檀重閣正坐三昧而現神變。有千葉蓮花大如車輪。其數無量。色香具足。而未開敷。一切花內皆有化佛。上昇虛空。彌覆世界。猶如寶帳。一一蓮華放無量光。一切蓮華同時舒榮。佛神力故。須臾之間。皆悉萎變。其諸花內一切化佛。結跏趺坐。各

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

撰述

華嚴疏金卷之二

三

放無數百千光明。於時此刹莊嚴殊特。一切大衆歡喜踊躍。云云金剛慧菩薩問佛下爲合云。我以佛眼觀一切衆生。貪欲恚癡諸煩惱中。有如來智。如來眼。如來身。結跏趺坐。儼然不動。善男子。一切衆生雖在諸趣煩惱身中。有如來藏。常無染汙。德相備足。如我無異。又善男子。一譬如天眼之人。觀未敷花。見諸花內。有如來身結跏趺坐。除其萎花。便得顯現。如是善男子。佛見衆生如來藏已。欲令開敷。爲說經法。減除煩惱。顯現佛性。善男子。諸佛法爾。若佛出世。若不出世。一切衆生如來之藏。常

住不變。但彼衆生煩惱覆故。如來出世。廣爲說法。除滅塵勞。成一切智。云云每喻之後皆有偈文。二復次善男子。譬如淳蜜。在巖樹中。無數羣蜂圍繞。守護時。有一人巧智方便。先除彼蜜。乃取其蜜。隨意食用。惠及近遠。下取意合。蜜喻如來藏。蜂喻煩惱。人喻如來。除蜂喻說法。除煩惱。三復次善男子。譬如梗糧。未離皮檜。貧愚輕賤。謂爲可棄。除蕩既精。當爲御用。合云糠喻煩惱。米喻如來知見。說法除煩惱。淨一切智。於諸世間爲最正覺。四復次善男子。譬如真金。墮不淨處。隱沒不現。經歷年載。真

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖嚴頂金卷之二

三

三

金不壞而莫能知。有天眼者語衆人言。此不淨中有真金寶。汝可出之。隨意受用。法合例知。五復次善男子。譬如貧家有珍寶藏。寶不能言我在於此。既不自知。又無語者。不能開發此珍寶藏。一切衆生亦復如是。如來知見力無所畏。大法寶藏在其身內。不聞不知。耽惑五欲流轉生死。受害無量。是故諸佛出興於世。爲開身內如來法藏。無礙辨才。爲大施王。六復次善男子。譬如菴羅果。內實不壞。種之於地。成大樹王。善男子。我以佛眼觀諸衆生。如來寶藏在無明殼內。猶如果種在於核內。善男

子。彼如來藏清淨無極。大智慧聚妙寂泥洹。名爲如來應正等覺。七復次善男子。譬如有人持真金像。行詣他國。經由險路。懼遭劫奪。裹以弊物。令無識者。此人於道忽便命終。於是金像棄捐曠野。行人躡跡咸謂不淨。得天眼者見弊物中有真金像。卽爲出之。一切禮敬。合有如來微妙寶藏。八復次善男子。譬如女人貧賤醜陋。衆人所惡。而懷貴子。當爲聖王。王四天下。此人不知。經歷時節。常作下劣。生賤子。想合有如來寶藏。九復次善男子。譬如鑄師鑄金真像。旣鑄成已倒置于地。外現焦黑。內

像不變開模出像金色晃耀合云有如來身衆相
具足下校量功德受持此經供養過去恒河沙現
在諸佛造恒河沙七寶臺高十由旬日日如是乃
至十五恒河沙七寶臺供養恒河沙如來不如有人
喜樂菩提受持此經乃至算數譬喻所不能及上之九喻初蓮華有佛喻與青蓮在泥喻大同小
異其金墮不淨處與摩尼墮深廁中大同彼闕此
如金在鑽如蜜在山中餘多大同而不次者此取
圓意畧舉十耳山中有蜜又與塵中佛性小異故
畧無之又此所引爲順圓融自凡至聖具含諸義

故亂引之若依佛性論具釋九喻雖不引如來藏經而與此經喻次全同各別有意廣如佛性論別鈔中已引言餘經或有一二三等者涅槃勝鬘等經皆說不能具引金鑽之喻涅槃第十有文云復次善男子譬如金鑽淘鍊滓穢然後銷融成金之後價直無量善男子聲聞緣覺菩薩亦爾皆得成就同一佛性何以故除煩惱故如彼金鑽除諸滓穢以是義故一切衆生同一佛性無有差別以其先聞如來密藏後成佛時自然得知如彼長者知乳一相何以故以斷無量煩惱故釋曰以是長者

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

多牛肇乳一色喻後轉以喻顯第五經中有雪山甘藥喻全同淳蜜在岳喻餘有多喻不能具引大價摩尼垢衣所纏者卽楞伽第一疏當第五經云爾時大慧菩薩摩訶薩白佛言世尊修多羅說如來藏自性清淨轉三十二相入於一切衆生身中如大價寶垢衣所纏如來之藏常住不變亦復如是而陰界入垢衣所纏貪欲恚痴不實妄想塵勞所汙一切諸佛之所演說釋曰此中大慧引昔之說下難同外道說我佛下答不同外道但是虛妄無有真實如來說如來藏有時說空無相無願實廣大相知如來應正等覺心

際法性法身涅槃自性不生不滅本來寂靜自性涅槃如是等句說如來藏等餘經所有可畧言也佛子菩薩摩訶薩應以如是等無量無礙不可思議廣大相知如來應正等覺心

疏大文第三總結上來十喻初總明無依爲依二能出生三能潛徧四橫具四智五豎具四能六體廣包含七用無終竟八知無不盡九巧能攝持十處處具足前九直語佛智後一乃融自他此十圓融畧顯佛智之相寄顯如來之心未盡佛心一毫故應更以無量無礙等知也鈔後總結者疏文

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

有二先結上十門。以成未盡故應更下。正釋經文。由經云。如是等無量相知。如是指前等卽等後。更明別義。此結有四。一無量。二無礙。三不可思。四廣大並偏上十。及所不說。

爾時普賢菩薩摩訶薩。欲重明此義。而說頌言。欲知諸佛心。當觀佛智慧。

疏第二偈頌。二十一偈分二初兩句約法總顯。佛智無依處。如空無所依。衆生種種樂。及諸方便智。皆依佛智慧。佛智無依止。

疏餘頌上喻於中初喻一偈半。後一四偈。餘八各

二偈並顯可知。

聲聞與獨覺。及諸佛解脫。皆依於法界。法界無增減。佛智亦如是。出生一切智。無增亦無減。無生亦無盡。如水潛流地。求之無不得。無念亦無盡。功力徧十方。佛智亦如是。普在衆生心。若有勤修行。疾得智光明。如龍有四珠。出生一切寶。置之深密處。凡人莫能見。佛四智亦然。出生一切智。餘人莫能見。唯除大菩薩。如海有四寶。能飲一切水。令海不流溢。亦復無增減。如來智亦爾。息浪除法愛。廣大無有邊。能生佛菩薩。十方主有頂。欲色無色界。一切依虛空。虛空不分別。

9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

聲聞與獨覺。菩薩衆智慧皆依於佛智。佛智無分別。雪山有藥王名爲無盡根。能生一切樹根莖葉華實。佛智亦如是。如來種中生。既得菩提已。復生菩薩行。如人把乾草。置之於劫燒。金剛猶洞然。此無不燒理。三世劫與利。及其中衆生。彼草容不燒。此佛無不知。有風名散壞。能壞於大千。若無別風止壞。及無量界。大智風亦爾。滅諸菩薩惑。別有善巧風。令住如來地。如有大經卷量等三千界。在於一塵內。一切塵悉然。有一聰慧人。淨眼悉明見。破塵出經卷普饒益衆生。佛智亦如是。徧在衆生心妄想之所纏。不覺亦不知。

諸佛大慈悲。令其除妄想。如是乃出現。饒益諸菩薩。

信士姚元相自捨弁募四兩一錢六分刻此
一卷 室顧氏 郭氏 男關貴
附錄沈雲龍錢顧燾五錢 姚氏一兩 亥郎
五錢 餘俱自及眷屬捨

大方廣佛華嚴經疏鈔卷五十一之一二終



9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

撰述

南歸賦金集之二

四



謂天大悲令其倒立此或長生出世都益善若